

富平縣志第四冊

卷七 人物上

富平縣志卷之七

人物志

人材何代無之夫生其地而懿行弗彰則守土者之過也彼載在國史名位俱顯者尙已然或抱曲學而所至有聲或負潛德而終身泯沒亦何可勝數聖門論人取其所長畧其所短志之微意存焉富平關中奧區也漢唐迄今其間名臣巨卿生爲國楨死而祀於其社猗歟盛哉至里閭中孝義節烈凜然與日月爭光善雖小必彰人雖微必錄凡以令人知太上立德一介之夫箕帚之婦皆得與

富平縣志

卷之七

人物

一

薦紳碩彥爭名業而同一不朽也作人物志第七

名宦

漢

尹賞字子心鉅鹿人成帝時以廉舉令粟邑有治聲馮翼太守薛宣見而奇之時頻陽多盜令薛恭不能治宣調賞治之境内以安

晉

梁肅負文武才爲頻陽令時劉曜攻長安三輔騷然安平太守賈疋威名甚著肅將附疋計恢復遇諸塗遂推平南將軍率衆攻曜

後周

令狐整燉煌人徙家中華爲中華守時郡務草創
整一切調停稱良守焉

唐

李大亮涇陽人忠謹剛烈少負奇節高祖入關授
土門令歲饑盜聚撫疲民墾畝教耕歲大熟又
擊盜盡平無何外寇至單騎往曉以禍福遂降
之帝聞大悅累擢至工部尚書卒諡曰懿陪葬
昭陵

張行成字德立義豐人擢制舉乙科爲陳倉尉調

富平縣志

卷之七 人物

二

富平簿有能名補殿中侍御史糾劾嚴正累官
至尚書左僕射太子少傅

崔衍安平人天寶末擢明經調富平尉尋調清源
令勸民力田懷附流亡觀察使馬燧表其能徙
美原尉儉約畏法祿周親族葬埋嫁娶依以濟
者甚衆時建言民瘼德宗嘉之詔爲觀察使卒
日以遺惠在民贈工部尚書仍錄其嗣諡曰懿
裴埒字強中絳州聞喜人擢進士第以賢良方正
對策第一補美原尉後遷考功員外郎累擢中
書侍郎同中書門下平章事加集賢殿大學士

胡珣爲富平尉長於吏治剖決如流一府稱其明斷

宋

司馬炫夏縣人溫公曾祖舉進士以氣節著爲富平令在官未幾境內大治

張龜年天聖中爲富平令以循良稱民愛戴之明道時詔增秩再任順民望仍以治行風告天下王哲令富平時邑多淫祠哲痛革之毀赤眉祠以祀李光弼又封其墓書其碑曰使後世知忠良勤勞可祀百世

富平縣志

卷之七

人物

三

侯延廣平遙人端拱間爲同麟坊延丹緣邊都巡檢使時叛卒劉渥嘯聚亾命寇富平謀入京兆勢甚盛廣率兵自問道追至縣西十五里及之渥素憚廣傳言我輩草間求活侯公何與亾卒爭湏臾命廣怒挺身出擊戰大樹下斷渥右臂旋就擒羣盜喪氣稍稍自歸關內以定上嘉其功擢拜崇儀使

劉湜字子正彭城人舉進士爲富平令有盜掠人子女旣就擒陽死伺間逸去追獲復陽死湜促焚其屍後拜監察御史

高文林令美原有惠政值歲旱禱於頻泉翌日果
雨林曰是福地也遂祠之事載趙節度推官記
中

王居仁政和中爲美原令旱甚禱罔應仁迎神園
亭率僚禱頻山祠未幾大雨歲熟

元

楊朝列大定人大德間令富平重農課桑誨士尤
諄人愛戴之時關內多蝗獨不入境民爲立祠
在王寮鎮左有碑

王會字彥嘉新野人至正間爲富平守禦時郵亭

富平縣志

卷之七

人物

四

供費浩繁民苦之會易以市廛俾得息肩又疏
永潤濱河諸渠灌田旱不爲災近山田遇雨水
溢輒壞教民築隄賴以無虞

明

孫義洪武十五年任承元末極敝事皆草創躬行
儉約飭簠簋以爲民先建社稷風雲雷雨山川
暨邑厲諸壇

張得先洪武二十三年任時中原初定衆庶艱食
首建招福平臯頻陽永潤四鄉社倉以贍閭閻
民利賴焉

石確昌黎人監生永樂四年任性坦易明爽服官
五年始終公勤有樂只愷悌風

高應舉大足人正統六年以監生任謹厚雅飭實
心幹濟扶弱鋤強不少假借在事九年廢墜畢
張縣倉預備倉皆移置今所城隍祠尤極力崇
飾嘗微行過酒肆聞人問酒何如酒家曰高知
縣問者訝叩之曰徹底清父老至今傳之
馬元保定人景泰四年任慨然以興學爲己任月
試旬課日有講明又躬行道義爲諸士先儒風
大振邑科目題名自元設

富平縣志

卷之七 人物

五

王傑字時英天順三年以監生任多才能爲政識
大體兼練民情新縣治修文廟聲名籍甚

韓楷山東人舉人成化六年任性剛介寡言笑暴
橫者憚若神明重修文廟毫不累民

郭鎔成化十年任政尙勤儉務大體絕苞苴建鼓
樓及吏胥諸房多所興革時稱循吏

張本河南人舉人成化十九年任質直尙義民不
敢欺尤注意庠序設後堂於明倫堂北左右各
翼五楹以處師儒士追思之

陳潤字維澤大興籍臨安人進士宏治元年任

已公廉平易近人民愛之馭吏嚴而恕初闢西門廣明倫堂爲五楹文教煥然陞沔陽知州李良字從善固始人舉人宏治六年任擔當喜任事建學舍醫學陰陽學修永興橋又議纂縣志未卒事去

呂子固解州人舉人宏治初爲富平教諭性剛正立教嚴肅晝課生儒於堂夜秉燭巡視漏下二滴始罷不率教者予夏楚多所成就兼喜著作縣令李良屬纂邑志惜未就

李壽昌太原人進士正德年任有才幹善折獄興

富平縣志

卷之七

人物

六

革得宜操守嚴正百姓畏之時後先尹縣者以昌爲第一

劉藻字文潔彭縣人舉人正德十一年任有風力不拘小節

王宗源字文淵吳橋人舉人正德十一年任方正有守號明斷視篆未幾卒邑人涕泣送之

楊玳字文瑞太原人監生正德十三年任端凝老成而剖決如流凡前令修葺未竣事極力成之羅星威遠人監生嘉靖初任訓導性方正言動不苟士類式之時縣尹稍易遂棄官去其風節如

此

胡山富順人舉人胡文定公後嘉靖四年調富平令初令白水多所建白慷慨負奇氣遇盤錯身任之時巨寇劉朝臣大小馬暨遊俠者驕橫武斷閭閻側目山首捕之置重典又以法繩豪右四野肅然遇生儒恩義兼隆創經閣繕學宮文風丕振陞易州知州去父老攀卧輿至不得行又刊碑記其惠

楊時泰號恒南正定人進士嘉靖八年任勁直著清節接人泣事一過不忘富邑田故無井教設

富平縣志

卷之七 人物

七

桔槔兼疏渠灌溉歲不能災又白所轄發廩賑貧居一年邑稱大治調繁章邱百姓刻碑誌德光祿卿馬理紀之

劉希簡號了庵漢州人進士嘉靖九年以給事中左遷富平令剛毅挺直節不可奪搏擊強豪不遺餘力守尤清嚴又建新城書院以造士甫期年邑稱大治後因公罰調用人咸惜之官終鞏昌知府

韓嘉會眉州人舉人嘉靖十三年任優文學守清苦每朔望誓廟曰嘉會清歸神必福歸嘉會贓

歸神必禍歸聞者凜然以憂去

高義葉縣人舉人嘉靖十五年任外柔內剛禮師
儒撫瘡痍不愧良吏陞平涼苑馬寺寺丞

張續安陽人舉人嘉靖十九年任政尚和易然不
可干以私

劉煦霍州人舉人嘉靖二十二年任性醇惠聽訟
能盡民情催科尚寬人不忍欺洪水故逋賦後
稱良里完額自煦始

胡志夔號澣南安邑人進士嘉靖二十四年任器
局整肅人望而畏之令出人弗敢違建鼓樓磚

富平縣志

卷之七

人物

八

埤暨諸堡墻在事四年以異政徵拜監察御史
官至巡撫榆林都察院右僉都御史

劉尚禮汾州人舉人嘉靖二十九年任才氣英發
抑強扶弱又旌善者以勵風教未幾以憂去

何通衢巴州人舉人嘉靖三十年任清操自持寬
嚴得宜不愧循吏以忤府調用

趙桐號嶧山絳州人進士嘉靖三十二年任宏潤
不羈然聰明過人制作倚馬立辦人共推之愛
才禮士尤極誠切

祝安洛陽人舉人嘉靖間爲富平教諭善屬文在

師席時誦讀無異學士又恥言利諸生賢者優禮之以憂去

崔舉唐山人舉人嘉靖三十八年任古樸尚道義注措一本誠心革里甲日支費百姓感若父母又均田覈餘地二千餘頃恥爲脂韋態社鼠者萋菲以去旣歸四壁蕭然無怨尤邑人孫丕揚巡撫北直題其門曰清吏第

史燦號鶴亭開州人舉人隆慶七年任剛方有遠畧接上下截然有體強橫者法懲不少借臨良民以和氣縣故有總里日釀金候尹措用歲會

富平縣志

卷之七 人物

九

不啻千金燦盡革之境內歡然文廟以地震後陋甚燦倡修諸紳士輸金出納未經燦手當路疑其乾沒竟以簡調

聶武字仁卿當陽人舉人萬歷二年任涖政精嚴發摘如神有僧匿民婦歷年無問者武廉得狀置之法立焚其寺人稱神君又文廟大工能終前令事

楊守川號濬源絳州人舉人萬歷五年任動履謹飭防吏如寇視民如子邑北山產石諸郡縣採者率邑民代運里甲更班名匠班車歲費數千

金百姓苦之守川申白得均派

楊君惠號澣北徽州人監生萬歷間任訓導少有柳下之操兼讓貢授金諸善狀比司教席益勵廉節又立會課督諸生讀秦漢文其貧不能婚喪者捐俸周之陞井研知縣

楊允中遵化人以庶吉士改監察御史左遷西安同知時值歲大凶跳梁者盤據北山以數百計允中單騎馳至集千百長羣力團練於美原堡不五旬擒其渠魁一方累卵措諸衽席北山人每談禦寇必曰印南先生印南允中號也

富平縣志

卷之七

人物

十

劉兌字景澤號鍾所新安人舉人萬歷八年任時奉司農覈田兌令有田者先自擬等併以數聞率吏親執丈量之漏者聽自首不罪乃區分金銀銅錫鐵五等視地酌糧籌度盡善克奉上令而民不累至今尸祝又興復漆沮趙氏溫泉諸水利創立者七疏通者二十有二灌田數千畝遂成永賴建修廟壇祠宇郭門公廨具如法式有祠在北郭外

焦承光大同衛人萬歷年任先是郡守某設立鄉約他邑有司視爲故事光奉行惟謹家喻戶曉

不遺僻壤民風一變

侯來詔山東人萬歷年任肅嚴清正遇事明斷民立祠祀之

李承顏曲沃人舉人萬歷年以高陵令調任操守清嚴民懷其惠

王正志祥符人進士萬歷二十七年任性剛方爲政持大體不事煩苛民甚安之時稅璫梁永肆虐關中遣人至富倚勢橫索正志各予笞斃一人被誣挈解是日縣試正志以道之將行四句命題放榜後赴省懷白刃向永撫道力解方已

富平縣志

卷之七 人物

十一

後竟庾死詔獄富人寃之與劉焦二公建祠並祀劉解元士龍有記

宋日就沂水人萬歷三十二年任和平寬厚勤政愛民有宋佛之稱

隋不矜壽光人舉人萬歷四十一年任愛民如子待士以和稱賢父母

王汲初山西人萬歷四十七年任剛果嚴肅執法不撓

宋果萊陽人進士天啟五年任剔釐奸弊狐鼠屏

跡

初河間人進士崇貞十年任性寬和聽訟明
允徵輸不擾修理 文廟黜堊一新有祠碑訓
知襄陽縣

本朝

薛良明漢軍人順治二年任政務寬平陞漢中同
知

李之粹漢軍人舉人順治九年任任事有膽量政
尚嚴肅盡革里馬安置行取御史累官至江西
巡撫

汪惠山東人貢士順治十三年任渾厚精明聽斷

富平縣志

卷之七 人物

十一

稱平民安之

鄭崑壁字崙輝文水人進士順治十七年任邑中
故多水利崑壁因勢利導漆沮金定溫泉諸河
岸地悉成沃壤又編審均覈吏胥罔得上下其
手通志有傳

郭傳芳字九芝山西大同威遠衛人山選貢授咸
寧縣丞攝邠陽長安篆俱有聲遷富平令值滇
逆之變涼寇竊發傳芳偵賊將入境乘霧搗其
巢斬獲有功時軍書旁午傳芳轉輸有法民不
告勞常語人曰爲百姓卽爲朝廷聞者歎服陞

四川達州知州

蔣陳錫江南常熟人進士康熙三十年任甫至值關輔大饑流移載道捐千金設廠煮粥以食饑者全活無算復捐貲收座道殣時瀕河水利久弛錫循行阡陌疏故玉帶直城文昌各渠民享灌溉之利歷官雲貴總督

楊勤字慎修漢軍正紅旗人監生康熙四十八年任剛斷有惠政開渠灌田民利賴之值歲歉訪民間孤弱無依者育署中存活甚衆五十七年富邑應撥糧若干運軍前勤時奉委辦差涼州

富平縣志

卷之七

人物

十二

代民買納省挽輸勞費計萬餘金民極感之又力表孫自慎妻樊氏苦節詳見樊氏傳

李肖筠河南夏邑人舉人雍正五年任操守清嚴爲政寬和仁恕識大體先是邑孫姜里浮糧賠累幾數十年民多逃亡筠具詳請豁奉駁覆勘緣調辦噶斯軍需未及行雍正十三年知縣喬履信泣任里民復懇因檢舊牘具詳奉

旨永免民以事端發自肖筠至今懷之後陞邠州牧潞安知府歷官江蘇臬司

喬履信字實夫號敦峯河南商水籍偃師人進士

雍正十三年由郟縣調任渾厚精明興除盡善
其大者創建書院捐置學田延名師聚生童肄
業先後詳免孫姜懷德等里荒糧三百二十餘
石禁革值日糧正名色繼孫恭介公纂修邑志
力行保甲綜四鄉村堡編八十五聯遴選約長
鄉練給劄俾專司化導稽察暇則進諸生課文
手自丹黃他若躬行節儉輕賦省刑善政殆難
枚舉歷富五載有神君父母之稱以績最行取
旋調繁咸寧去之日百姓涕泣攀卧至輿馬不
能前嗣以史大學士保薦記名御史暫補禮部

富平縣志

卷之七 人物

十四

主事歿於官富邑聞訃爲位書院中弔哭七日
郟咸寧及嘗署篆之白水高陵如之至今士民
感念弗衰

李世垣字星門山東德州人進士乾隆十二年任
性至孝旣通籍終養後仕涖官謹飭儉約而讞
訊明決人若事一過目不忘籌辦災荒度支軍
需修葺邑城諸大政措之裕如他若移建節義
祠改南郭車路設鄉鎮義學詳撥書院灘地暨
建申明亭公館義塚諸所興作人心悅服尤愛
士族每考試据公座受卷披閱常至三四鼓或

呼其人面指說醇疵如父子師生然治富七載
遷直隸興安州迄今二十餘年士民談論賢父
母每喬李並稱李謂公喬則偃師也

鄉彥

秦

王剪頻陽人少好兵事始皇帝拔趙定燕薊始皇
謀取荆間剪剪以六十萬對以爲怯用李信比
信敗馳入頻陽謝強起之卒以六十萬破荆擄
王負芻平其地爲郡縣初剪將行廣請田園以
自堅卽今美原地子賁亦秦將伐魏引渠河灌
富平縣志

卷之七

人物

十五

城王假降賁殺之遂滅魏又滅燕擄王喜還滅
代擄王嘉乘勝攻齊入臨淄人莫能禦王建以
降詳史記列傳載藝文

漢

耿定頻陽人成帝時王商專權中外側目定抗疏
論商陰事下有司按不法狀後蜀人張匡指定
疏論商竟坐免相

唐

梁悅富平人元和六年秦杲殺其父悅卽殺杲復
父讐詣吏請罪詔下尙書省議卒用職方員外

郎韓愈議杖悅一百流循州愈復讐狀載藝文
古押衙邑多古姓或云卽押衙後李太史因篤云
薛市有押衙洪隱居遺跡數處

後漢

李彥溫富平人今尙書村其宅址也乾佑間朗州
馬希萼遣兵次長沙楚王馬希廣命彥溫將兵
拒之官指揮第二都頭兼都虞侯銀青光祿大
夫檢校刑部尙書兼御史大夫上柱國墓碑在
村之南

金

富平縣志

卷之七

人物

十六

惠元鈞少聰慧貫通百家屬詞敏贍以文名

元

王瑄美原人官千戶好涉書史有膽畧性不嗜殺
而摧鋒陷陳戰功獨多征蜀時與士卒同甘苦
故樂爲之用子孫並官千戶

劉允中號西澗大德間授順鹿路總管討叛酋有
功調廣南部尹治故事三五姓聯戶餉馬民苦
甚酌令月出錢緡市馬人安之遷長寧州同知
地接蠻徼允中招徠有方又教種陸田作水車
引溉夷民感之後改涇州值歲饑多方賑濟全

活甚衆既請老制以耀州知州致仕

張成之幼卽有志刻意讀書官朝請大夫河南督
轉運使鹽課頓增子文賢四川道廉訪使彥成
進士四川廉訪使彥文延安稅務提領友文四
川嘉定州判官文冲奉元路治中允恭鞏昌府
知府允濟同州府提領一門八士皆才名

劉尙字伯升家貧嗜學官至京兆知府兼招武大
將軍軍民總帥有破鄆都海白順紅巾功子安
世耀州乾澗山場提領安國宣命銀牌征行頭
百戶安民藍田縣主簿安世子源安撫司知事

富平縣志

卷之七

人物

十七

瑛遂寧鹽司副使安國子斌宣命金牌八番蠻
夷土木洞軍民長官安民子燧寶安庫支納三
世縉紳爲邑望族

第五昌言字聖俞尙節概不妄交人閉戶讀書淡
如也爲奉元路儒學學正有善教克稱厥職

唐塋某科進士博極羣書抱負宏巨後進行藝優
長者極力獎誘學者宗之稱犀峯先生

張敏大定四年進士先世習醫術急人疾苦敏尤
端樸以孝稱初授解州判官遷平陸令調聞喜
有惠政歷官陝西省左司郎中所至稱廉謹子

八人統吏部尚書爲名臣。縉欽天監丞。餘子皆勵隱德。所著有月山集。人稱月山先生。

王賈僧居喪廬墓一本至誠。時人稱之。

第五勝愚字仲學。昌言從子。元末不仕。鑿洞萬斛。山中居之。甘貧樂道。家有始祖第五倫像。至明孫恭介公猶及見之。補綴線跡不下萬餘。歷千五百年。子孫能守可敬也。

明

張統字昭季。號鷓菴。少穎悟。日誦數千言。洪武初舉經明行修科。由京兆教授遷東宮侍正。歷通

富平縣志

卷之七 人物

十八

政司左參議十四年十月改雲南布政司右參政尋陞右布政使又陞左布政使蒞滇最久草創鄉甲貢賦城郭公署壇墀祠廟法令條格公用程則悉爲裁定民大悅服初統至滇卽疏請得以海貝布漆硃砂水銀諸土物充秋稅又奏商人納粟金齒者如舊制聽入穀皆報可二十一年入覲課最天下第一超擢吏部尚書三十五年永樂靖難師入甫卽位召統暨戶部尚書某遂自經統居官三十載功業節義巍然山斗兼勵清操至手耘園蔬夫人績紡雲南富平

有祠著作甚富多散佚其存者見潁陽四先生集

第五仝有抱負舉明經知山東莒州三年大治入覲以病辭上敕褒之

梁甫洪武間以孝廉舉授應天府尹在官八年清約不異寒士初攜妻乘二驢往比歸仍乘之祿入多所存濟人亟稱焉

爾朱欽字敬伯夙有文望洪武壬子鄉試第一明年會試高帝親製敬天勤民策問欽對稱旨賜進士補蒲圻縣丞廖道南辛亥錄贊云敬伯登

富平縣志

卷之七 人物

十九

庸納言效忠乃贊邑政明試以功

党榮庠生父冕以刑部主事得罪將遣戍榮上疏乞代高帝喜曰君親人道大倫忠孝臣子大節党榮能篤大倫全大節其令應天府給引還鄉并除父戍

張建貢士山東按察司僉事因妖女作亂城陷死路俊字文英宣德間以強力直文華殿尋官錦衣衛百戶從英廟北征土木敗績俊持金瓜奮擊潰圍出號諸軍無應者復衝敵營入未達行在力竭遇害天順間錫詔褒之諡昭信以子誠世

襲錦衣衛百戶

党忠正統辛酉舉人初訓磁州遷榆次教諭工文詞淹貫六經旁及法律靡不究心遷伊府審理卒人咸惜之子俊以舉人知故城有惠政陞知州父老扳卧不得行又相率請畱得以知州視縣事民生祠祀之次子偉仕司訓

劉春景泰庚午舉人天順間知冠縣公廉明斷邑民畏而愛之刁猾屏跡威信大行

劉順字孝天景泰乙卯舉人少苦貧灌園養母遇方士授以易學殖日進每構文無筆札輒以木

富平縣志

卷之七 人物

二十

畫地成之歲不給負米同官山中值邑宰索某士子文苦無以應因歎順請代順援筆立成宰見大奇之旣以儒士舉於鄉就試時士爭求識順其見重如此比宰夏縣猶衣不掩膝誠確樸直有古人風

李時祥父宣任城都衛百戶有智略成化中以討六川高梁寇死事官時祥正千戶貴州土夷叛祥隨征所部斬獲獨多陞指揮同知

李恕字道夫號松軒貌魁梧美鬚髯有雄畧而內忠篤由成化丙辰進士授德平令數有措注歸

藩王田裁藺氏惡積粟萬石邑民樹碑頌其德
已陞同知歷僉事會松州石鼓寨番叛提兵破
之無何大盜藍四起川東震動恕親身逐北前
後四十二戰俘獲七千餘衆遷貴州左參議長
子宗橋以膂力聞破川寇有功

李宗樞字子西號石疊恕第三子正德癸未進士
授諸城令政尚嚴飭境內肅然旋以治績拜御
史劾都御史汪鋹不法狀旣而攬轡上谷言邊
機十事又陳安壤大計風裁凜然歷官河南臬
藩皆有聲會河汾寇警冢宰科道交章薦其才
可大任晉巡撫扼要害禁奢侈畫便宜中州安
堵會病卒不竟其施宗樞性慧才敏有幹濟畧
又工詩善章草所著有石疊集

梁瀾字天衢爲諸生時刻意尚行讓產還金人服
其義以歲薦任河南府訓導力却餽遺俸入自
具衣食外輒推以予人學憲王鳳泉亟稱之致
仕歸焚香潔坐課子耕讀鄉里推爲介士

楊爵字伯修號斛山生時室有火光長美姿儀身
長七尺家故貧日挾書隴上耕且讀夜輒燃薪
雒誦以白兄寃繫獄邑令楊滋覽所上書奇而

出之既從朝邑韓恭簡公學躬行實踐以聖賢
自期許與椒山公稱韓門二楊嘉靖戊子舉鄉
試第三人未試時於食館拾遺金俟原主還之
明年成進士授行人三使藩國却餽不受轉山
東道御史將草疏劾大臣專權狀會以母老移
病歸未幾母歿哀毀廬墓終三年有冬筭馴兔
之異服闋授徒講學越五年以薦起河南道御
史巡中城權貴斂避旋上封事數千言指陳五
弊皆切中時事世廟震怒逮治拷掠幾死是日
都城風霾晝晦人呼楊御史風比入獄吏受指

加匣鎖沉獄五年日與周刑曹怡劉工曹魁相
切劘著述不輟既上以受釐赦出甫抵家復逮
入獄三年高元殿災上於火中聞呼公及周劉
名因釋歸爲民二年有大鳥集舍公曰兆在我
矣遂卒病革時惓惓以作第一等人做第一等
事飭子孫隆慶元年贈光祿少卿萬歷初諡忠
介所著有周易辯解中庸解斛山集易庸二解
在獄時著明史本傳載藝文

王宗堯字汝敬號泉岡嘉靖戊子舉人官郟縣修
河渠建社學百姓德之陞綿州知州旣而棄官

歸父子兄弟藹如也今邳縣有去思碑

王來鳳以監生令西平先是歲饑道殣相望鳳惻然念之因謀實廩庾爲閭閻備出藏金易粟益以贖緩得穀六萬餘斛擴倉楹五十四所在任數年毀淫祠表忠義平徵斂覈會計政績不一兼長聽斷案無畱牘尤守清介陞安樂知州念親老請歸西平有祠提學葛守禮記之

張儉以歲薦司訓獻縣爲諸生時學行足式文人碩士多出其門比仕教尤有法獻士宗之子懷遠博聞強識復以善教著稱擁臯座者垂二十

富平縣志

卷之七

人物

二十二

年人推世美

樊盛監生任汝陽丞勵清操勤職業九載如一日力救荒災尤堪稱最以疾歸爲里望人當路七旌其門楊御史伯修紀其事孫釭登鄉榜咸稱德報

曹汝葵字子雲嘉靖丁酉舉人祖清庠生仕太醫院判加俸世襲父思讓以茂才仕清海教授耀州派累富民思讓偕陳睿王增伏闕奏告得免汝葵篤志向學少時讀書山寺六年不窺戶弱冠舉於鄉爲主司鄭端簡公所拔旣授慶符知

縣旋改蒙陰所至吏民畏懷歸結里社獎引後
進學者稱南谷先生書仿顏楷得其神著有南
谷前後集二十卷子五人並以文學擅名長子
煌尤尙實踐萬歷中爲關山書院山長亦善書
法

曹汝菊字子逸汝葵弟兄並有文名人稱雙鳳
束髮入庠試輒冠軍嘉靖辛卯舉於鄉授平遙
知縣陞襄陽府通判今襄陽有曹山爲遺愛碑
處致政後年甫四旬與兄互相切劘學殖益進
書仿顏柳兼善草草著有見山堂草

富平縣志

卷之七

人物

二十四

孫惟謙字幼撫號前川孫恭介公父事繼母以孝
聞由選貢授寶坻知縣節愛教民俾勤耕織搆
訟者至公所訓之不聽始責之縣故有銀魚廠
中責緣以爲利惟謙懲其羽翼歲省無算又念
縣東南瀕海秋時大盜多匿其中申明保甲先
事爲備賴以無虞後忤當路罷歸囊橐蕭然民
德之爲立生祠郝進士鳴陰紀之旣歸閉門養
靜卽貴紳過訪罕得一面歿後陝西布政使朱
炳如題其墓曰七勿先生所著有家訓及去思

集傳世

隆清河典史署縣篆適有寇變練鄉兵捍備民
賴以安子廷實字道充號和齋靈寶訓導孝親
讓產曾尚書督陝學時嘗旌其門文章道誼推
重一時詳孫立山恭介公所爲墓表恭介其受
業門弟子也

由天性字純夫號嚴齋嘉靖癸卯亞魁有文名性
和厚樂善取友一出至誠每檢陰隲諸事以自
警惕初知鄜城再判合州所至人感練鄉兵抗
巨寇厥績尤著

李忍性至孝偶以獄訟當對縣捕之差役羅武朱

富平縣志

卷之七

人物

二十五

素豪橫求忍不卽得繫其母同行且以繩穿裳
辱之忍憤然曰安有辱母如此尚可共戴天者
捶朱立斃自詣縣請罪縣官置以法直指某公
重而戍之

孫丕揚字叔孝號立山嘉靖丙辰進士初授行人
時嚴嵩焰方熾獨謝不往壬戌陞授浙江道御
史巡視居庸順天等處偕同官鄒應龍力糾嵩
子不法事士論稱快旋按江北發奸如神再按
順天丰采彌峻轉大理寺右丞值新鄭用事不
相能所親程文詆丕揚坐落職未幾新鄭與文

皆罷去起補原官嗣擢都察院右僉都御史巡撫保定深爲桑土計紫荆一帶增磚樓三百座石垣一千九百餘里會張居正謀逐新鄭丕揚爲重權璫馮保居正私人也托爲建坊力拒之由是忤居正乃引疾去後以修邊功陞副都御史而居正終啣之調南京別用後起應天府尹歷陞大理寺鄉戶部右侍郎轉左侍郎風節益厲以忤時轉南京都察院右副都御史抵里辭疾不赴已又起爲刑部尙書改都察院左都御史定有巡方總約著爲令陞吏部尙書慮

銓政流弊創立簽法復分南北中簽調劑之部選掣簽自丕揚始尋加太子少保嗣以御史趙文炳受用事大臣指劾文選郎某覬撼丕揚屹不爲動事白丕揚自念三朝老臣爲少年播弄因抗疏歸居久之復起爲吏部尙書加太子太保因時事齟齬歸不復起朝廷數遣官存問先是富邑屬耀州供役勞費公白撫臣奏隸西安至今頌德後以病卒於家事聞神廟震悼輟朝一日從優諭祭廕其子諡恭介著有應世草立山詩都院奏議巡撫約束吏刑二部奏議格

圖論學篇富平志等書孫允傑以廕授中書舍人累官廣西平樂知府持名節多惠政在戶曹時以不附魏璫矯旨追奪丕揚誥封冒死陳言事得寢時議多之明史本傳載藝文

樊尙禮汝陽丞盛長子讀書好禮父死不作佛事鄉人化之嶧山令趙公表其墓弟尙文監生官唐縣丞攝邑篆尙武事兄悌兄弟建議立祖祠歲時薦享楊忠介公嘗曰邑人知孝敬自君家始鄒蘭谷應龍書其事武子鈇又更新祠制鄰邑來觀人稱樊氏有三隱君子初尙武無子以禮次子鈇爲子及鈇貴或以陰德推禮禮曰此吾弟善教使然也人多其友愛焉

樊釭號對峯與孫立山恭介公爲莫逆友嘉靖乙卯舉人任岳陽及安定教講學課文號斛山後一人後令猗氏著有循聲孫恭介紀其績深爲推服焉

王良弼嘉靖間由廩監授蕭山簿旋陞蕭山尹有才能善折獄先是海水崩堤屢築弗成經弼區畫不踰月而固邑南螺峰寺山水爲一邑形勝隣境勢力者欲奪之弼斷還人稱果決

紀道嘉靖間以明經任阿迷州州同有惠政初道
與楊忠介公同爲朝邑韓恭簡公門牆士博學
能文章有冰雪操乃恭簡所深器者故爲其曾
大父清軒鶴公親撰墓表見苑洛集

周文煥字堯章號闇然萬歷庚戌進士初授諸城
知縣捐俸賑饑活數萬人癸丑奇荒募淮商轉
輸以中幣衡改準市價不昂其值設粥廠七十
所境內大濟惠及隣邑就者如市以卓異歷陞
吏部文選司郎中時魏璫欲相逆黨崔呈秀堅
持不應呈秀數召之謝弗往璫婿閔青雷覬超

富平縣志

卷之七 人物

二十八

遷終不可得璫怒矯旨戒冢宰自爲政勿聽選
郎文煥乃引疾罷去以憂時嫉奸嘔血卒子有
憑三中副榜性豪邁有膽識崇貞間孫總戎白
谷兵肆掠府邑有憑隻身詣軍門力請調兵歸
營辭色嚴正孫不能屈卒調兵歸又慮流寇焚
擄規創竇村堡城以備守禦至今賴之

張志達字通甫隆慶中捐貲疏渠人感之名其渠
曰懷德邑令劉公兌均田之役以達公正專意
委任又建橋梁修八蜡祠歿時劉公助以槨孫
恭介公表其墓

張執字叔允萬歷己卯舉人由教諭歷遷徐州知州陞河間同知在徐以修河工竣蒙神宗降璽書賜帑金獎之既復訪拿謀叛妖人趙古元脅從罔治活數萬人又識萬進士崇德於未遇前衆稱人鑑徐郡名宦富邑鄉賢兩祀之

魏汝孝萬歷乙未武進士清水營遊擊征寇陣亡廕其子

朱崇德號淳菴方嚴謙恭以子國棟貴封中憲大夫凡公私利弊無不直言關白當路辛巳奇荒捐濟二百餘金本族百餘家賴以舉火遠來者

富平縣志

卷之七 人物

二十九

計口給糧全活甚衆洎闖逆據關追餉乃自縊
卹贈副都御史

朱國棟字元培號西崑崇德子母夢神授古鏡光照滿室而生中天啟壬戌進士初任蕪湖知縣調休寧補山陽三任江南除奸正田戢叛兵異政頗著入覲授戶科給事中兩劾部臣五劾督撫丰采凜然其請更時政奏議激切中理人尤稱之轉刑科都給事中數召對侃侃不阿陞太常寺少卿以修典禮膺眷晉山永僉都御史復晉右副都御史擇將簡士建豎尤夥軍民戴若

神明尋晉兵部右侍郎鎮昌平以疾告歸甫出
都卒北極寺上憐之給葬廕子著有諫垣存稿
撫關奏議若干卷

劉士龍字雨化萬歷癸卯解元嗜古博學工詩古
文詞名噪海內學士宗之所著有藿議狂言醒
言韻記韻語月令香律醉溪齋三刻信腕草碎
壺集落花詩終南遊草池陽大會草諸書藿議
言關經濟尤可傳述

唐光耀字公白萬歷癸卯舉人任宣府推官時爲
魏璫建祠耀不列名又任臨江推官陞南京刑

富平縣志

卷之七 人物

三十

部郎中持法平允請釋失入罪犯陳光衡人尤
美之後爲閹黨陷害下獄死莊烈時贈奉政大
夫

韓容字雙台貢士高隱不出日以仁義孝弟訓鄉
里初與楊忠介公同筆硯楊表其間曰鳳翔千
仞又贈詩有關中高士韓雙台之句子孫曾元
列鬻序者四十餘人

田時震字出孟號御宿父見龍汝州學正歿祀鄉
賢時震中天啟壬戌進士自縣令官至侍御轉
叅政直言敢諫觸權貴數黜數起崇貞末以言

時弊忤當事廢棄歸里所著詩文遭兵燹燬於
火餘奏疏一冊履難記一冊李太史子德序之
弟兄多顯貴而弟時需性坦直內明外剛臨難
不奪遭逆闖寇亂力拒僞命棄諸生尤有兄風
張橋天啟辛酉舉人初任東阿知縣時南石頭民
多爲盜撫兵議盡勦橋單騎往諭黨遂散取渠
魁寘之法餘罔治民大感服繼陞昌平州守給
牛墾荒三百餘頃捐修學宮毫不累民遷本州
兵憲庚辰奇荒賑米二千餘石人賴以生兵民
敬畏若神尋轉冀南少叅甫蒞任以病卒不竟

富平縣志

卷之七

人物

三十一

所施士論惜之

田士亨以歲薦爲秦藩長史抗闖掛冠歸

何顯瑞天啟甲子舉人任陝州學正和平坦易嗜

古能詩後知靈寶縣值闖寇入河南顯瑞力拒

不克後歸里自成逼授以官逃去子曰浩亦棄

諸生隱居自有傳

楊之翰字清宇崇貞甲戌會副授夏津令仁厚廉

明未嘗輕笞一人行法輒垂泣民愛如父母後

掛冠歸自號逸叟年九十三卒德政文章膾炙

人口

杜邦舉任鄆陵典史崇貞十四年城破被執闖賊知其得民欲降之罵曰朝廷臣子豈爲賊用賊怒截其舌邦舉含血噴之遂遇害

魏光遠光山典史崇貞十三年賊陷城死節

魏鎮虎平陽營叅將崇貞十五年征寇死豹子山賜葬祭

程雲達字天衢庠生明末逆闖據關中使賊衆要之不屈露刃強逼拒益力賊以刃割面入骨仆於地乃去

趙希壯文水縣典史崇貞十六年流寇圍攻希壯

富平縣志

卷之七

人物

三十一

率鄉兵出戰死之

喬惟忠天啟中任鄆縣典史時妖賊作亂當事多議招撫姑息養奸惟忠設法捕勦挺身捍禦不卹掣肘賊平兩臺交獎鄆民感再造恩建祠祀之

陳忠心庠生才品氣概重一時闖寇入關聞其名招之不從強逼之更以官餌拒益堅繼以拘縛迄不少挫遂見殺弟正心力兼數人精武藝任河南營守備嘗以數騎偵賊遇大隊圍之鼓勇奮擊拔衆歸署城守都司崇貞十四年賊攻河

南請率衆出嘗賊賊佯敗誘陷峪中使人招降
正心戮其使聞城破自殺

竇汝器幼穎旣長尙節義以歲薦授城固司訓崇
貞癸未闖寇入關諸郡風靡汝器勸邑令繕陴
練卒戮力拒守旣賊至衆潰度勢危歸整冠帶
望闕拜畢坐明倫堂待之賊入殺縣令執汝器
抽刀脅降大罵不屈死泮池側血漬入石歷久
如新

馮霏字腴田博學精易數明末鄭軍門延諸幕籌
無遺策後從孫軍門戰死河南子士往求尸不

富平縣志

卷之七

人物

三十二

得哭死

田而腴字沃千時震子崇貞癸未逆闖僭號脅諸
紳強授以官稍抗卽械繫以輸餉爲名檄下僞
令而腴父時震不爲屈賊將逮治而腴請代其
父預決不免數諭意而腴曰父不逃陷父父子
並逃陷宗族父子俱往俱死無益也卒自行繫
長安獄拷掠備至賊東行挾至平陽殺之僕劉
麟以罵賊並遇害時而腴季父時茂亦緣拒逆
被逮子而大協而腴同代父往以計得脫雖生
死異轍均以孝行見稱於世

孫忽避字舜賓父世吾被賊追逼忽避請代死弟
忽邁不忍隨兄往同時遇害

仇養蒙家貧性孝親偶不愉輒長跪謝俟解始安
親未食不敢食負粟耀州竭力承歡母病躬湯
藥夜不解帶父足生癰以口吮膿血立愈親歿
哀毀踰節廬墓六年年八十每詣墓作孺子泣
直指上其事蒙旌子桂芳以舉人仕洧川中牟
二縣令有德政事母亦以孝稱

李盡心庠生援例補鴻臚序班性孝友樂施濟婚
喪弗舉者必周之嘗捐千金建石橋人稱李公

富平縣志

卷之七 人物

三十四

橋南遊出千餘金平商於崎嶇人稱李公路入
義倉粟滿千石復捐千金修文廟百金修鼓樓
關輔饑出二萬金賑之另以百金賑庠生中丞
直指入奏上異之特加榮表賜光祿少卿銜建
天下義士坊在南郭祀鄉賢

孫鍾臯字唐斌力學篤行事繼母以孝聞崇貞癸
未進士授寶應令再署興化所在多惠政民立
生祠祀之聞親病篤卽辭官就道抵家猶及覲
面明亡與門人張乃第同隱不仕所著有天逸

集

魏麟圖生員明末羣盜蜂起所過村落並遭屠陷
流寇劉永才誓拔莊裏鎮圖率衆死守約束嚴
整賊再四攻卒不克去 鎮保全

劉大才明季任寧陵典史署知縣值闖寇猖獗城
毀率士民重修後被賊誘掠迫脅不屈遂遇害
寧人築墳安葬仍立祠祀之詳寧 志

路由中字達寰明季山西臨縣尉遭逆闖之變迫
脅不屈繼以痛罵遂遇害

本朝

張乃第字魁門一字愚齋明崇貞十年舉人少孤

富平縣志

卷之七 人物

三十五

依祖母比歿厝柩祠中朝夕泣拜偶他出數日
歸而入哭幾絕隣人窺之見其祖母掖之出既
長刻意尚行充養深邃無遠近率以張八爺稱
之明末落饑傾貲周卹養瘠瘞殍義聲大著劇
域老狗狗攻破諸堡標其門曰犯張八爺者死
他堡來依 以全活明亡不仕益勵學行當事
者慕名造謁輒引避家居教授成就尤夥高蹈
幾二十年走卒婦孺無不知其名者相傳羣少
夜過其園竊食菜菔一曰不畏其知耶一曰此
張八爺園知亦不竇後有竊食他處蔬菓者輒

曰 八爺 耶前令郭公傳芳奠其墓樹碑流曲鎮東門曰高士前孝廉愚齋張先生故里

田本沛字漢元號華石父宏道明時以世勛襲授莊浪左所奉職惟謹當事器重之旋念親老拂衣歸以本沛貴累贈奉政大夫本沛少敏慧嗜學目一過輒成誦以名諸生登崇貞丙子鄉榜癸未成進士值闖寇據關中欲授以官曲避不應

本朝定鼎授長洲令招集流移單心安定時大兵頻

富平縣志

卷之七 人物

三十六

過隴畝騷擾設法築垣通騎不損禾稼大兵後商賈裹足乃給帖通貿遷聞風皆至兼以催科廉恕折獄敬慎清漕弊豁懸租革行戶吏不下鄉民極德之會以餉芻舟夫供 禁旅計夫數十萬公慮貧富役弗均按里分派公幫公僱公私兼濟再任蒙城招流勸墾清催科刁訟諸積弊節革幫漕幫驛諸浮費葺學築陴賑民教士善政累累視在吳不啻考滿遷工部主事再補屯田主事奉使衛河治漕監築皆有法毫不累民遷刑部外郎陞正郎已而督學閩省矢公愼

嚴條教慎簡拔所取皆名下士蓋公素精人倫
先是鄉試同考俱號得人至其雪誣燭奸人尤
稱之考績晉叅議以候補歸里屏居不預外事
孝事繼母敬兄友弟併崇任卹歿祀鄉賢著有
家譜及蒙城志漆園草栩栩居存詩行世

田文耀字君白庠生天性孝友文學優長爲馮恭
定公高第弟子明秦藩招試雪竹牡丹諸詩賞
其工麗永壽王延爲上賓旣請業焉明亡棄舉
子業絕意仕進呂學使雲藻曰吾閱士多如田
子眞學者也長子德溥性行和平事親尤謹嘗

通宵侍側父命之退已復潛入屏氣立夜半父
下牀溺急前扶持父驚問知爲溥笑曰良苦汝
又以禮自束檢雖酷暑衣帶必肅整里有羣聚
嬉譁者見其過掩戶匿聲曰此可令西院大秀
才見耶

趙兆麟字玉書號聖居父一韓事繼母以孝聞兆
麟有奇才以舉人丁明季亂闖寇逼授神木道
本朝兵至謁親王委署延綏都御史不數月邊鎮
清寧奉

命入覲授鄖陽巡撫禦寇濟饑民漸安堵會主兵欲於

鄖屬搜西山賊黨兆麟懼株連無辜力請得寢
供兵養馬調濟有方招集脅盜悉歸命出俸造
江南湖廣撥漕運船二百餘號時運夫勞頓苦
乏資糧餘米未交三百餘石疏請巡理江路抵
漢中見當事者言民困苦狀且曰若得依漢中
米價折輸良便當事首肯歸卽具疏陳前事蒙
允折解餘漕畱襄准作楚軍口糧已復興文教輯襄志
建城樓禁苞苴革火耗懇荒恤驛簡訟懲蠹歷
六年以疾告歸卒於家著有春秋點註祀鄉賢
又祀湖廣名宦

富平縣志

卷之七

人物

三十八

袁廓字子遠號綏南少習兵畧抱經濟才

國初受知內相洪承疇爲叅政監軍運籌指示無遺
策亂定叙功授池泰兵備道旋擢七省漕儲道
值洪公經畧南省

簡命巡撫偏沅共理軍務楚滇悉平在沅八年尤多
政績後以兵部侍郎右副都御史

予告歸居鄉敦崇孝義多所建營卒祀鄉賢子建業以
敵愾捕討功累官山東協鎮總兵蒞官居里咸
有懿蹟事母温氏尤以孝聞又楊味道王惜民
皆以謀畧叅洪公承疇平五省

趙述字述古順治辛丑進士父文耀家貧力學弱冠入庠事親孝教子有方長卽述次遇亦食餼於庠述通籍後觀政刑部旋授山東蒲臺令時國家定鼎之初民間瘡痍尙多述勞來安集勤於撫綏數年間戶口倍增循績茂著

程鳳儀字虞包明季庠生究心理學與李二曲雪木兩先生游著周易合象周易解中論弟經等書宋釋之爾和嘗師事之子文錚由庠入監考州同職有詩名

宋爾和字釋之以字行生而敏幹性嗜學家故酷

富平縣志

卷之七 人物

三十九

貧里人石哈行愛其才資給無倦色釋之學稍弛或小過誤輒極口詆呵釋之奉若嚴師明末寇亂偕隱某山

本朝靖逆張侯勇聞釋之名以卑禮迎入軍幕一見大奇之委以腹心軍中事無大小悉取決釋之謀無遺策發必奇中佐侯屢奏膚功受上賞歲酬不下數千金旣輦積歲所獲爲哈行壽哈行笑不納力勸其歸釋之哈行皆不娶故歸卽迎哈行同室居金幣盈室中縱橫填委有以緩急告者無親疎聽以己意自取用久之哈行復勸

歸隱遂偕入華山不知所終哈行志節尤奇隱
傭保中強敏趨事不計值有終歲服勤不受一
錢者少暇攜畚鍬行陌上拾諸獸物滿則隨意
壅壟苗迄不問誰氏田有貨惡棄地力必出已
風所獲傭值悉周貧乏於釋之尤極力供給成
其學行哈行名可思里稱哈行先生哈行語不
可解蒲城楊本涵以爲夷然不屑意

王汝德順治初授金華主簿時值閩寇甫平屍骸
遍野躬督夫役捐棺木廣爲掩埋悉免暴露招
撫流亡數萬家俾各復業旣而缺裁以保薦畱

富平縣志

卷之七

人物

四十

陞永康丞潔已愛民永人至今感之

李鷗鳴任湘潭丞遭吳逆變亂迫授長沙知府堅
拒不從

何曰浩字志海號四周明學生遭闖寇叛逆辭文
廟焚衣冠衣白袷終身不易家貧甚了不介意
闢園名五柳築此君臺日率童蒙吟唔其間暇
輒淪茗理琴嘯咏自得事親敬養委至親歿致
毀三年不見齒祭必虔後以遵例舉隱逸前令
某公折柬相邀答詩有勸君休下陳蕃榻不是
商山四皓人之句迄不赴著有詩文若干卷

喬維華字峙伯父若櫝明末歲貢有學行游其門者多所成就闖寇據關中脅之仕以死拒之惟華傳父業尤邃於理以名士舉制科兩試皆俛得復失遂棄去教授生徒以人倫爲己任執親喪哀毀三年如一日先是奉父偕隱曲盡色養國初澄淑官方走檄命縣官敦促其父堅辭不起遂與維華皆終身韋素爲盛世逸民云

孫萃字萬紫明季諸生篤行力學教授生徒所交皆一時碩彥同邑唐含章喬峙伯紫垣諸先生江南高宗礪介公尤稱神契著作甚富多爲及

富平縣志

卷之七 人物

四十一

門傳覽散佚玉京夢衍義二卷已梓

王義民嘉善縣防守遊擊順治三年流賊餘黨竊發民挺身出戰所向披靡旣賊設伏峪中誘之復單騎深入遂遇害同官劉肅之率敢死軍數百人奪其尸以歸

沈起潛字逢禧歲貢詩文書畫名一時尤畱心經濟著富平圖說開三尺嶺議北沈韻陝西地圖頻陽山川圖石刻現存

孟孔脉字祖尼順治乙酉舉人授稷山令聽斷明允邑無冤抑嘗割俸贖民鬻子百餘人富邑陰

家河病涉捐貲築石橋以濟行旅又築堡寨聯
守望爲族人代完逋賦里黨賴之事詳通志
李鵬鳴字圖南號約菴順治乙酉舉人授中部教
諭以優薦遷密縣令甫下車訪民間疾苦歎曰
防決無術供師靡費清占多狗有一於此惡用
令爲因悉力興革紀績諸曹者凡十有四被
詔入諫垣爲禮科給事中累歷兵吏兩科遇事侃侃直
陳多所建白癸卯校士兩浙矢公愼得人爲盛
著有諫垣奏議

王繼祐字植三號痴菴幼穎稍長知向學入庠後

富平縣志

卷之七

人物

四十一

試輒冠軍順治乙酉舉於鄉久之選授鎮平知
縣縣故巖邑而土瘠民貧稱難治祐下車卽革
供帳諸物除弊懲蠹勸耕撫逃尤崇學校兼長
聽斷其他清鹽課釐屯田舉常平興養濟葺縣
治修邑乘善政累累不勝紀豫撫張公方力薦
銓擬內擢遽請老歸以子象天貴封奉政大夫
著有信心草四書直解俟刊行

魏象蔭字明陽順治乙酉舉人授良鄉令明季兵
燹後良民彫敝而地屬畿輔差驛惟繁公私疲
困廢力白上憲委曲調劑民賴以蘇又以學宮

茂草業儒者少首葺文廟兼立義塾延師啟訓
文風丕振俊造成林邑人感而祠之既陞順德
通判辭不就里居義舉尤多詳載邑人李太史
因篤記中

何翊漢字建侯順治丙戌舉人授江都令剔弊決
獄衆號神君值海寇侵疆民散獨從郡守登埤
死守城賴以完丁父艱歸年甫強仕以養弗逮
親不復起

范應侯字次公順治丙戌舉人授費縣知縣潔已
惠民三年告歸環堵蕭然無加於始前令鄭崑

富平縣志

卷之七

人物

四十二

壁表其門曰一代偉人

韓文字斗山順治丙戌舉人文安知縣陞濱州知
州博學能文繼恭介公著富平志稿未刊

孫一鵬順治時任廣東水師總兵征海寇戰死事
聞賜葬祭贈光祿大夫世襲哈番

王象天字文石號穎山繼祐子順治丁亥進士初
授臨漳令自奉菲薄教民各勤職業游惰有罰
任六載迭饗災祲三請蠲額計萬餘兩又久雨
河溢壞城八百餘丈率屬捐俸重修開渠洩水
後水復大發凡四次城餘三板迄無恙行取授

太僕寺丞遵

諭陳言奏漳民三苦乞恤協濟明經界均優免奉
旨允行陞戶部主事轉貴州司督儲臨清酌量緩急河
無需艘出監新西關清浮額銀萬餘兩歷江西
山東二司除舊例幫船銀數萬兩甲辰典試山
西取衛旣濟邵嗣堯等四十人丁艱終喪補湖
廣學道矢公愼勤搜羅詳除官童票發頂冒改
撥四弊選拔得熊賜瓚江蘩諸名公未竣事以
病卒於官象天性仁孝善體親心事繼母無異
所出愛諸弟如手足族戚待而舉火者數十家

富平縣志

卷之七

人物

四十四

皆恪奉父命無少違著有望雲軒集王氏家譜
刑戒註釋學政條約若干卷

陳正己忠心弟順治戊子舉人初知成安縣遷大
興俱有循績歸田後立義塾置學田提學淝水
許公旌以文正遺徽邑令雲中郭公以仁里義
學榜諸門又創修水澤聖母祠表里社正祀焉
石在閻字雲門由選貢授中書舍人旣叅親王幕
從征雲中以功陞授福建督糧道望悞落職久
之事白授昌平兵備道時以圈地後民殊困窘
閻捐牛種督墾荒地一萬餘頃旋以久雨米商

罕至舉城磬磬閭區處借糶兵民俱甦後值水旱設粥廠施布疋存活甚衆又建議區兵民居築城垣修倉儲葺學舍彌盜抑強以治行最璽書章服褒美踰年陞授蘇松糧道力陳漕務利弊裁陋規摶供應清欠革耗省費三十餘萬丁艱服闋補湖廣糧道值寇據茅廬等山禁旅南下閭轉餉不竭士皆宿飽以積勞卒

楊紹武字式穀號悔堂忠介公六世孫順治己丑進士授永嘉知縣瀕海嚴疆民疲吏玩豪猾橫肆武下車抑強字弱新政可觀時有妖僧交通

富平縣志

卷之七

人物

四十五

上官大倡邪教武招諭僧倚勢抗凌遂予杖致斃上官惡其異已旋以輕視國課奏罷之歸里後授徒講藝富蒲宜君白水登甲乙科者多出其門著有鐵舟意草等集行世

朱廷璟字山輝國棟子幼聰穎既長性嚴毅言不妄發臨大事從容有斷制順治庚寅進士授檢討調工部主事累遷吏部文選司出爲晉省口北道累補山東登萊豫省河北粵西左江分守道清慎自矢剔弊興利所至政績懋著自粵還過洞庭值風浪苦舟輕借鄰船鐵二千觔壓之

乃濟解綬十年鄉評尤美著有循寄堂集古文
函始古文函餘仕學箴語閒默堂文約鏡波園
花木譜共七十餘卷

魏自祿號西侯少從軍遼陽順治十八年委補沂
鎮千總屢著戰功陞授重慶守備未幾吳逆寇
蜀祿誓不降賊將數騎入閩歸康親主爲前部
討平海寇吳化等初授惠安叅將旋署督都同
知封榮祿大夫推陞成都副總兵以年老致仕
歸

陳有虞字大陸順治壬辰進士任仙遊令勞心撫

富平縣志

卷之七 人物

四十六

字在事二年順治十一年十二月間值海寇攻
泉漳郡縣吏望風奔潰移兵攻福州以仙遊爲
福南藩地是月十九亟攻之有虞守禦有方不
能克旣遣賊十餘人薄城說降有虞射之斃其
一乃退有虞故善騎射蒞任初卽慮賊猖獗募
鄉勇二百人自將健丁十六人董率編成隊伍
復繕樓櫓修守具設賞格爲桑土計賊入境輒
自率擒俘稱勅卒時撫軍佟公亦以仙遊地衝
調興化遊擊王嘉貞率兵三百協守賊樹柵環
攻不遽克久之復射書城內說降設格募致縣

官有虞得書集士民示之曰殺吾以降衆可活
咸泣下請死守數日復說降不答守備愈嚴又
數引兵出城擒殺賊怒益兵力攻火炮衝梯一
時並舉有虞隨宜捍禦攻七日迄不能克賊計
窮更於城下說降有虞抽矢射殺之撫軍佟公
聞賊攻仙遊勢危急檄興化副將楊進忠赴援
進忠逗遛不進賊偵知圍攻益力有虞嘉貞立
箭炮中指揮截堵賊稍却乃暗穿地道使細作
夜入城約奸民舉火爲內應擒之斬首示賊賊
相顧失色有虞慮民變集紳士申前議皆感泣

誓如初賊數失利轉怒因大益兵合二十餘萬
集城下鑿地道納火炮名地雷繞城俱發聲勢
撼天城崩二丈餘賊蜂擁入有虞知事潰約嘉
貞分卒巷戰自率健丁轉鬪而西身被重創忽
馬蹶仆橋側中鎗死嘉貞亦戰死東城魏公祠
前健丁趙啟遜朱世傑耿三啟馬汝騏柳光擢
高昆陳龍竇興來虎竇正寶陳福王成德李彪
黃元芳韓昶張奇等十六人惟柳光擢幸免餘
十五人並從戰死時十二年正月初五日也城
破五日三官堂僧海珏入城於積尸中檢其尸

面如生長子常夏冒死入閩訪得載歸事聞

贈福建按察司僉事廕一子入監

賜祭葬子常夏蘇州知府時夏平湖知縣肆夏寧化縣丞均有善政常夏子協濬句容知縣勵清操禱神驅虎民尸祝之協哲江陰知縣協文有文名以進士任寧德知縣協哲子崇禮富陽縣丞五署縣篆並勵清操循聲大著著有隄鹽紀略陳開虞字嗣徽有虞弟有虞任仙遊時開虞方遊吳越聞兄殉城死哭奔閩海迎其柩值定遠大將軍求文武才招試數百人開虞與焉居第一

富平縣志

卷之七

人物

四十八

承制授漳州同知繕雉堞嚴斥堠募勇敢寇不敢窺民賴以安連署龍溪等四邑皆有政績陞江寧知府在任六年大兵大役支應有方毫不累民又清案牘辨冤獄釋株連活凡數十人力請除浮賦數千金子芳夏以太學生任武康丞援陞例補義寧知縣調荔波縣在武康察革積弊佐以安靜在義寧除陋規清滯獄葺學築城在荔波化蠻俗禁仇殺鬪惡習一變

曹玉珂號陸海順治己亥進士生而穎異授書一過輒不忘下筆千言立就初授壽張知縣政尚

廉平

內召擢中書舍人卒於官棺衾不具王又旦哭以詩曰
家無舊業畱京兆世有君才止舍人玉珂詩古
文詞皆名家新城王阮亭潁川劉公勇同邑李
子德諸公罔不推爲一代作者著有緩齋初集
大河志史論事論雜詩已刊行其緩齋二集終
華仙蹟志祥刑錄左國史漢臆評諸書藏於家
孫秉仁由教諭 江夏丞累官至寧波知府
田而穉字秩臣號漆厓父時暘明末以諸生入太
學累授重慶府太原衛經歷所至有善政予告

富平縣志

卷之七

人物

四十九

歸濟荒周貧恩覃里族生穉時有異兆旣長學
成順治庚子舉於鄉久之授固原學正調岷州
衛學正卒於官穉性孝友剛正不阿動必以禮
兩試學博先行後文提覺有方同官上司皆深
加齒遇謂爲當世古人所著有懷山堂文集六
卷詩集十四卷詩餘三卷經史隨筆六卷五行
經子午鍼三卷程典註二卷田氏家乘二卷驚
枕錄二卷傳章七程以貧故不能梓姪甚衍性
剛方博學強識著有同心軒詩十卷文集六卷

正字錄二卷

石天樞字右函在閩子性仁孝以康熙己酉舉人授內閣中書舍人遷戶工二部郎中擢天津道蒞任後冰蘖自誓正身倡屬禮士恤民實政可紀因窒悞革職津民數萬叩

閩保留奉

旨免議再任江南督糧道江南財賦甲天下務繁弊滋樞守潔才敏事無巨細不假胥吏手制府甚重之後緣入都候補值西逆作難奉新例自備勞費身任轉輸軍功議叙加二級紀錄三次補職在卽自念精力漸憊旋里不起至

富平縣志

卷之七 人物

五十

聖祖西巡迎

駕潼關承

溫旨獎其精健

諭令補官以老病確辭蒙

賜

御書臨明臣董其昌書法一幅天津政績詳德政錄
李因篤字天生號子德父映林明諸生師事馮恭定公少墟究心理學早歿里諡孝貞先生母田太孺人後孝貞五十一年卒懿行徽音並詳郃

華山王宏撰山史二曲李顥中

三先生 爲記因篤八歲能文章年十一入
庠值明末寇亂棄去肆力古文詞尤長于詩康
熙十七年

詔集諸儒纂修明史廷臣疏薦之以母老乞罷不允十
八年

試授翰林院檢討未兩月卽疏乞終養疏畧曰臣母
年踰七旬屬歲多病隨經具呈吏部吏部謂稱
親援病恐有推諉竊思已病或可僞言親老豈
可假托臣雖極愚不肖詎忍藉口所生指爲推
卸之端臣仰圖報

富平縣志

卷之七

人物

五十一

君俯迫諗母欲畱不可欲去未能瞻望

明廷進退維谷疏三十七上始允歸抵家後寢

每事躬親越五年母歿不復仕性敏絕博 羣
書又好汲引後學問字者無虛日或有過必婉
詞規勉未嘗以聲已加人九芝郭公嘗集杜句
題贈云文章來國士忠厚與鄉人蓋實錄也卒
日 文孝 全著有受祺堂詩集三十五卷
卷邑人故桑昌令田若畹鐫以行世

文集 藏於家弟因材性孝友著耦園

集

党國虎六歲母亡寄養舅氏父普寬兄廉生爲旂
子國孝毆死以事未露國孝幸免國虎恚甚揣
力弱未能報年十九歲乃誘國孝於野並其子
尋兒搃殺之詣縣自首赴獄令欲加卹國虎念
父仇已雪自經死前令郭公傳芳創忠孝祠首
肖唐復仇孝子梁悅像以國虎配

康保民字子元行優學富爲名諸生遭亂棄去益
迪厥德年高彌邵李子德先生贈詩有排紛時
所賴潔已古爲徒之句朱樹滋表其墓弟安民
倜儻尙義氣重然諾作民敬兄愛姪天性尤篤

富平縣志

卷之七

人物

五十一

田若琬字未若號少華本生父本建以孝友重閭
黨兼擅文名甫生若琬兄督學公本沛妻劉恭
人抱歸養爲己子旣長好學多識內行尤醇備
隨任京兆以諸生入太學中順天己酉舉人授
樂昌令初下車念邑界楚疆瀆變蹂躪因務撫
字不急催科減額耗十分之四某撫憲行均差
法雜派浮正賦他令皆謹奉行民甚苦之公獨
以貧瘠告得免派乙亥值荒捐米千餘石煮粥
活民又念昌邑久無登甲乙科者修文廟立義
學課士惟勤文風一變科名不絕在官十餘載

服用如寒素家不增尺畝獨以向諾李子德先生代刊詩集之囑出俸百餘金鑄以行世公畱心經濟自性理外兵農諸學射御技勇無不嫻習顧小試一邑爲當事所格不克大展子六人皆名士

成言字默之號鹵川事母至孝每定省值母閤戶於窻前肅揖頭必至地貧而有守恥干人師事李二曲先生以聖賢自期待勸善規過力持風教二曲歿服喪三年丁酉歲講學涇川官士服教者三十餘人前令楊公勤踵門投後學刺聆

富平縣志

卷之七

人物

五十二

教益如嚴師著有大易四書易簡成氏家訓及一貫圖

喬爾斗號漆濱有志節隱居教授耄而好學言理恪遵洛閩文喜韓柳李二曲先生以貧而無諂目之桐城方閣學靈臯昆仲慕其名嘗寄書訂盟稱神交門人登賢書者三人入庠尤夥所著有博約說孔顏所樂論四書辯難及諸雜文惜罹回祿存僅十一

竇人龍字仲永號默齋賦性純明不慕榮利少習舉子業旋棄去潛心理學肆力經史李二曲先

生一見許之曰厚重沉潛可與入道授徒百餘人以先行後文爲宗事親曲盡子職父病禱天嘗糞旣沒廬墓三年事長兄如父兄歿粵東官署值兵亂道梗人龍冒險迎歸事孀嫂加敬慎比歿殮葬如禮處里黨言不妄發一介不苟取終身不入公門前令郭公傳芳慕其爲人欲一晤力辭不赴乃造廬就見扁其門曰理學名儒李思沆字聖知號澹菴父愷樂善好施沆性孝友有父風由選貢授東莞令懲頑緝盜尤善摘發兼勵清操行取刑部主事數訊大獄多所平反

富平縣志

卷之七 人物

五十四

卒於官

魏朝璉字華然性孝友明末父官懷慶府倉庫局大使卒於官璉年十六獨扶櫬歸值闖寇擾河南道路梗塞晝伏夜行渡黃河舟子詐財詰以藏兵欲開櫬檢視厚賂始免愛胞弟文籍如手足康熙二年任廣信府興安尉不用行戶壬子吳逆變攝邑事甲寅實授會耿逆復作郡邑淪陷守令盡逃避入南昌知府高語弋陽巡司以書招璉不應益奮勵率城中男女殊死守半月城陷賊授以冠帶擲地大罵遂遇害

唐文昭字含章庠生父歿齋居三年繼母偏愛己子因逐昭別居益肆力稽古精理數學御史何丞都造訪其廬贈以金却之固贈以布獻諸母母卒悔悟呼歸家故貧每值大侵邑人重其學行歛粟贍之前令郭公傳芳創祠祀孝義三人文昭與焉

張愔字子丹號月厓康熙壬戌進士任崇仁令請發倉賑貸禁溺女有虎患爲文祝城隍虎遂屏跡歷官戶刑部郎清慎自矢督學廣西革場弊正文體絕夤緣所拔皆單寒名士

富平縣志

卷之七

人物

五十五

王雍字默公號華麓康熙壬戌進士授魯山令政尚嚴明豪滑屏跡久之治化大行報最

召拜兵科給事慷慨任職以先時發帑賑秦當事者怙勢恃援飭法乾沒特疏攻之聞者咋舌或諗雍雍曰天下事予所欲言有大此者姑以爲兆耳章未下舊疾發告歸未幾卒囊無餘財子二長作霖己卯舉人次作楫庠生

許襄字贊公康熙甲子舉人恬淡寡營守正不阿楷範來學章縫著美士論推爲宿老

惠霏嗣天性至孝文學優長康熙辛未進士授通

海知縣善政多端上憲咸引重蒞仕八月卒於官著有自新應用二錄楊公名時李公二曲同邑李太史子德咸爲立傳載家乘

竇祖禹字大緒少不羈康熙壬辰進士授婺源令興利剔弊政聲頗著某科入簾卒闈中婺源民感德共請迎柩歸婺源築墳建祠春秋祀之著作散逸存有待刪草詩集一冊

師士式字完貞性耿介持已端方知藍山縣值蝗祝天蝗卽死引舜水灌田百餘頃勸墾荒地二萬餘頃招流安集五千餘家禮賢士課農桑弭

富平縣志

卷之七

人物

五十六

盜鋤奸寬徭革弊尤善聽決以卓異擢吏部員外祀藍邑名宦又攝寧武臨武皆有政績

陳範忠心子康熙丁未武進士授守備擢廣東碣石鎮遊擊十九年海寇犯甲子所擊敗之三月進征磊門五月征鷗汀背海口俱有功二十一年從大兵平臺灣沿海悉定除甘州城守叅將三十八年陞汀州副將巨寇朱紹嘯聚龍門山永定歸化諸縣大擾範率兵搗巢一鼓平之民賴以安邑人竇鳳輝有傳載藝文

紀廷樞字鈞宰由行伍從征川東勦除西戎積軍

功歷官榆林守備屯守達爾兔引雪山水灌田
軍民爲立生祠名其旁橋曰紀公橋屯田十八
年授固原遊擊推慶陽協康熙辛丑關輔饑寇
盜嘯聚盛山苜蓿溝號數萬屢攻不下鄂制憲
檄樞進勦不旬日蕩平嗣以驃騎將軍告老初
樞屯守達爾兔日嘗手縛酋領一人將剗刃遂
受約束無敢侵犯我邊陲議者擬諸傅介子云
歸田後俸餘盡周親族與僮僕共力作善事兄
長人尤稱之子二長實許進士任南雄守備次
仕許官興史

富平縣志

卷之七

人物

五十七

楊貽清字白公號介庵諸生事繼母以孝聞與李
子德李二曲諸公遊晚年授黃陂丞康熙三十
年關中饑民流移入楚者塞道路奉委安撫調
度有方全活招歸以數萬計在黃請除漕費至
今尸祝

仇延祉字召先號天庠孝子仇養蒙曾孫康熙癸
卯舉人任鳳翔教諭值軍興憲檄代催軍需力
却私饋民感之壬申大荒媼友就食學署者供
給無倦色

朱樹滋字長源號迂庵廷璟子生而岐嶷十歲知

書以諸生入成均爲司成王阮亭先生所拔識
與同邑李太史子德姑蘇顧寧人太原傳青主
二徵君相友善詩古文詞皆絕人遠甚居家崇
孝友居鄉宏施濟尤見推獎著有留雪齋諸稿
藏於家

巴廷傑樂安典史三藩作逆城陷不屈死

王維威康熙三十三年任石城典史視事甫三日
閩逆來攻與照磨李道明協力守禦晝夜登陴
二旬乃解十五年劉應麟兵至城下維威與戰
破之嘗巡城流矢中臂不爲動三載寇平卒保

富平縣志

卷之七 人物

五十八

危城維威實有力焉載通志

魏萬捷字延之汶上主簿河工舊例工食多侵欺
捷一切清算卽以羨數倍給工人併捐己囊若
千夫役踴躍趨事每一堤成歷久不壞

來珽字叔和號定齋辛卯舉人授樂亭令孝事孀
母暫離輒不安母歿執禮尤至在官時拳拳以
愛民爲心不畏豪貴不迎合上司值水漂民舍
捐助修復令築隄防護民德之著有正學書警
覺錄探源編藏於家

李樾字旬永祖春先以諸生入太學性孝友樂施

予律己方嚴接人寬恕友人某既絕交遭奇禍
潛髡其女託之善遇如己出父濟順治戊子舉
人任惠來永城二縣令有能聲樾中康熙己卯
舉人雍正四年部選贊皇知縣引

見日以耳聾自請改教職

世宗憲皇帝嘉其忠誠不欺特加錄用蒞任未幾致仕
歸樾學殖深厚教澤所及克自成立者指不勝
屈士夫稱之其伯父澤東平同知弟栻以進士
任永定知縣各有政績弟樟有傳

李樟字章木生而穎異稍長就學以大成自期待

富平縣志

卷之七

人物

五十九

爲詩文皆自成一家以名諸生聯捷乙酉丙戌
甲乙榜謁銓得東粵平遠地險風陋稱難治樟
至釐積牘除宿蠹苞苴請托皆嚴絕不少假力
表孝子捐設義塾甫數月治化大行會邑紳某
某以某鄉五莊田腴賦輕擬律侵凌控惠潮道
下府按之樟念五莊民命繫片壤且巖壑回互
林樾叢錯勢難均理密遣人授意而別差縣胥
隨道吏往視至則百姓皆攜眷冒雨立山上呼
曰累年力墾得尺寸地必見奪卽吾輩駢死矣
無寧棄之去歸報府君因據狀詳請事乃寢又

某某以觸禁出二百金托某紳求爲地其人來
謁語移晷憚樟嚴毅終不敢發邑舊規具公辦
銀三千兩前令循例恣用樟盡詳革督撫方合
章薦樟遽以病乞休去闔邑遮畱依戀立祠祀
之樟亦洒泣相慰其畱別詩有猶竊循聲煩父
老遂叨尸祝溷明神欲把臨岐雙眼淚遍隨秋
雨洒良苗之句歸里十七年家政鄉行膾炙人
口病革索箋自書曰譽咎叢生未免鄉人誰定
論質文頓盡且乘大化自全歸擲筆而逝著有
常華園詩集已刊行餘藏於家

唐作肅字雨休生而岐嶷太原傅徵君青主一見
奇之決其大成年十三值母病日侍湯藥夜處
榻下中濕成患迄不痊然力疾向學以博淹著
詩文皆絕人執贄請業經其指授者皆成名下
士樊元助趙廷健王吉士等各魁一經盧重吉
等二十二人有聲庠序英才濟濟輝映門墻識
者頗欲擬諸河汾孝友慈祥尤爲鄉里所推重
路立孔字東山天才英邁嗜古工詩不樂仕進嘗
遊朔方與高僧靈芝爲方外友趙忠襄公延爲
上客未幾旋里偕同里魏季始讀書明月山寺

老而彌篤著作甚富有春草堂遺草行世

周懋康字甯人高隱不仕長於詩以邑人李太史子德爲宗王阮亭孔東塘兩先生極力推之有一代風雅之目

王者公字亮臣宜陽典史邑北道通數省居民稀少爲羣盜出沒地者公捐俸造屋數十間給牛種招人墾田立莊兩處一名安遠一名王建嗣是居人漸密行旅無虞事詳宜陽縣志後值民變公挺身出諭事乃平活數萬人又山路衝決往來不便捐建石橋衆感之樹碑其側名王公

富平縣志

卷之七

人物

六十一

橋以病歸民立生祠祀之

竇琳昌父鳴鳳以三戰斬獲功授世襲指揮早亡琳昌事母孟氏曲盡子道母病嘗便以孝行舉蒙

旌月給米布歿入忠孝祠

郝振綱監生性惇實事寡母以孝聞事無大小皆恪遵母命年十五入市鬻線拾銀八兩坐待失者至暮母遣人喚歸詰其故喜日待之良是詰朝失者至母輒令還之旣長習幕學爲養母計應聘入晉不忍離母將以行久之歸母聞堂姪

婦貧寡鬻子憐其孤苦綱卽贖撫之又教綱養
同族孀婦子郝仕得成立葬族人某某夫婦撫
其子皆虔奉無少違泊母病歿哀毀踰節廬墓
三年雍正六年蒙

旌祀忠孝祠

常崇仁弱齡喪父孝道克全事節母王氏尤極篤
摯生養葬祭情文交至前學憲逢公泰准給衣
頂寵附宮牆歿祀忠孝祠

姚冲瀛字伯海性馴謹稍長知孝家世寒微生未
授書然問視諸子職率意爲之輒暗合康熙戊

富平縣志

卷之七

人物

六十一

子父播歿致毀以貧故不克葬苦塊柩側自炊
以食妻子饋食斥弗御二年母歿亦如之更二
年始克葬旣葬廬墓傍日於百步外膝行戴囊
土築墳歷數年以戚友力勸始歸每當祭或外
出必前期返哀慕誠至迄終身如一日又善教
子卒日里諡孝慈乾隆元年

旌表祀忠孝祠

唐鼎鼐隨父四維客興安父死鼎鼐年甫十三負
父尸歸道遇伏虎顧年幼不知爲虎迫視之虎
終不動同行柳姓者逃伏山頂下視見其狀歎

爲至孝所感泊事節母竇氏曲盡孝道友愛幼弟鼎元訓其力學得入庠

温多藝康熙乙卯寇掠頻山負母逃難母恐累及藝給云少息藝方蹲踞母遽投入水窟卽擲身隨下時值中夏窟深奇寒藝戴母立水中翼日衆共救出母子無恙

陳覽字企卓號退庵庠生德行優卓言行可法事母李氏生養死葬毫無遺憾事叔父如所生事長兄克恭事師盡禮信友卹隣讓產焚券美不勝紀博學能文尤邃於詩

富平縣志

卷之七

人物

六十二

韋編字續之讀書太乙石室精于易著序卦圖解及苦槐堂集稿藏家

袁大選字聖舉戊子舉人任馬邑左雲兩縣令有惠政里居授徒成就多人著世範堂詩恕菴文稿藏於家

師其禮年少喪母於幃中設榻夜展衾晨起灑掃上食如母在晝夜號泣三年餘未及舉葬而死乾隆四十一年蒙

旌

王錦字子襄歲貢兄弟析居時嘗推產讓業任安

定訓導勤於課士少工圖章隸篆解組後年八十餘猶爲人鐫寫不倦時人重其手蹟

武克謹字慎一庠生家貧力學持品端嚴課授生徒勤而有方遠邇爭延致之成就頗多邑舉人張若敏王吉士竇鳳輝貢生張若愚庠生翟象滋馬克莊楊振威等十數人並有名一時皆門牆士也至今邑中授徒者皆推爲前輩典型云竇希韓字獻思監生性孝友慷慨渾厚事繼母能得歡心與異母弟監生希范處友愛如同胞教子有方敬禮師席一出至誠尤樂拯人之急晚

富平縣志

卷之七

人物

六十四

年貧窘見喪未舉婚未完者猶汲汲搜篋解衣濟之至今鄉黨稱道弗衰

楊深字通志五歲失怙恃育于伯父伯父歿無子身爲三年喪嗣以次子族黨稱焉深敦行嗜學有聲幕府著春秋臆說萍踪雜記樂耕園詩草暨南湖志等書稿藏於家

陳廣運字佑忱庠生江寧府開虞曾孫少有至性嘗失愛於繼母委曲承順母愛之無異己出遇弟廣業友愛有加生平待人恕律己嚴里中知名士多出其門

趙有徽字虞典貢生幼喪母哀毀如成人事繼母
孝弟武生有值夫妻相繼亡遺孤僅數月並幼
女四攜歸撫育嫁娶成立居家儉素而好周恤
扶老濟困無吝色教子孫有方子繪食餼于庠
孫夢麟鄉舉現以試用縣任潮府經歷

何世寵字九錫由例監保舉知縣歷署永昌武威
平番寧夏度支軍務籌辦災賑以才能著補平
羅值寧夏地震後人民凋殘城郭無存新羅二
縣併歸平邑寵修築招集給牛種開廢渠得田
萬頃仍捐田興學績最一時調張掖丁艱服闋

富平縣志

卷之七

人物

六十五

除蜀渠縣疾作請休歷官多年囊無餘貲鄉里
稱之

孫聯捷字迅發雍正己酉舉人教習

內廷館課嚴切及門掇巍科者十餘人乾隆庚申授
綏德學正砥礪文行造就多名士丁卯撫憲陳
公以知縣保薦初署保定尋補容城潔己愛民
承辦

南巡差務能於職八閱月丁外艱客館蕭然邑民輪
送薪米僮驢車送歸而爲位書院以祀服闋署
豐潤蝗爲災多方力捕績最他郡邑補寧晉沮

澤有涸出者請得免陞科建奎閣創書院課生
童署中丁丑東明水方制臺摺奏調補抵任賑
粟座骸捐施綿衣隨築堤浚渠去積水民用奠
安辛巳擢滄州牧適大旱捕蝗設粥廠復疏通
淤渠緝獲盜窩諸所措布皆利民之大者乙酉
上南巡

行宮賜宴

皇太后賞端綺荷包僚佐以爲榮滄人繪賢勞圖頌之
丙戌以年告歸卒於家捷好讀書歷宦數十年
未嘗廢學著大學中庸心解在容日刻楊椒山

富平縣志

卷之七

人物

六十六

忠愍公集又代友人刻讀孟各書景雲其三子
也孝友力學早歿邑先達任鵬遠題其墓曰篤
行士四子步雲任邳睢水利同知

張若敏字學山丙辰舉人由明通官中衛教諭衡
文課士勤於職上憲廉其才識委協辦軍需嗣
以績最卓薦授青溪令未之任卒於京邸

趙廷健字若乾乙丑進士任崇明縣前知如臯丹
陽并署江都剖疑獄築海堤愛民造土恤困扶
危俱有循蹟捐修本縣宮裏橋人尤義之邑人

樊元助有記

封爾爵戊午舉人任華陰教諭勤於課士捷取授
棗陽令有惠政歿於官兩地士民感念弗衰
陳廣業字淑勤壬子舉人由明通教諭華陰諄切
課士撫憲盧公手書不愛錢三字以贈緣母老
告終養後捷取瀏陽令旋改授徽縣諭訓課如
華倡立粥會濟饑尤藉甚人口三代縣篆設施
頗多歿於官士民哭送者塞道路業性孝友與
異母兄廣運處雍雍愛敬老而彌篤

馮淑眉字學海辛酉舉人以明通教諭朝邑協辦
賑務撫憲陳公大加優獎計典卓薦丁外艱服

富平縣志

卷之七

人物

六十七

闕補鎮蕃諭倡捐置田歲取租息爲士子科舉
路費至今攸賴嘗奉委行縣事柳林湖鼠食禾
根殆盡力請賑恤民爲立生祠楊制臺保薦教
授洮州尋授新化令丁繼母憂未到任卒

党新綬戊辰進士父內修鄉飲大庾事親教子見
推鄉里嘗焚券數百金綬歷任大庾永豐長寧
知縣嚴明平允所至著冰蘖聲改授西寧教授
旋補開州判課士牧民並有循蹟歿於官囊篋
蕭然綬童年受知前令喬公讀書內署服官後
力學論文無虛日厚本敦倫尤爲士林推許

楊啟聰字聖一丙子解元性孝友世績學種德每
遇歉歲出粟賑濟動以數百石鄉里頌之子
貢生遵遺命亦樂施不倦

楊齊碧庠生精岐黃術尤邃於易著易經遵註壽
百有二歲

韓文星一十二世同居共爨八十一人恪守先訓
外著雍睦內敦孝友乾隆十六年知縣李世垣
詳報陳大中丞

題准奉

旨建坊忠孝祠立碑題名

富平縣志

卷之七 人物

六十八

唐澤鳳恤孤憐貧姻族中老而無依少失怙恃者
恒依賴之子溥德溥忠並列膠庠孫邦彥早歲
膺鄉薦人以爲盛德之報云

何格字舜典州同職有孝行學品爲時所重依慕
府數十年藩臬督撫咸委資焉居鄉矜式閭里
王汝翼歷幕甘省事繼母孝本堡有老而無子及
老而子幼者並藉翼糊口閭里推焉

李文典處士庠生中選父嗜學篤行孝友重鄉評
課子有方外孫進士党新綬諸生新紱並沐教
澤居恒手一編皆理學書人以古先生目之

周挺壽民兄弟五人三兄一弟俱先後歿竭力事親尤善事孀嫂又爲堂叔孀營喪葬撫孤成立殯隣邑友人已地人稱盛德

孫公寬庠生性廉退讀書好伊川語錄摘取成編又嘗還拾遺讓兄產歿後鄉里以芳行碑其墓李嘉才事父母孝母欲進香太白山艱步履才背負而前往返二十餘日血汗透衣外母病便血禱神祈代母尋愈而才病如母者數日人咸異之父母相繼歿廬墓三年己仍頻頻赴墓所起居如生存前令如臯陳公表其門邑人士贈以

富平縣志

卷之七

人物

六十九

詩文復碑其地曰李孝子廬墓處

李銓吉庠生力學敦行事孀母孝事孀孀如母前令王公以優舉撫軍嘉獎府憲表其門曰孝義可風

魏基長庠生事繼母孝教異母弟成立學校重之以優舉

顧振翮耆民自其父濟公以來已有好善樂施之稱翮性孝友克承父志每遇歉歲出粟賑濟族有幼孤二收養於家授室置產他如修橋梁平道路施棺座骸義舉甚多前令德州李公長洲

顧公長白興公並先後旌其門

石廷瑚庚寅舉人家素封刻苦力學自甘儉樸鄉
舉後捐備飲食紙筆聚生童常數十人會文淡
村寺中月六舉仍延名宿分校成就頗多邑庠
董之用贈詩有云袖將題至星初落收得文歸
日已沉一時傳爲實錄瑚性孝友嘗爲再從兄
廷瑜成室生子瑜歿撫恤孀孤人尤稱之
仇愞仇恠仇慳兄弟友善而恠繼叔氏後不計分
產後以歲貢佐蓮幕尤不妄取予飭躬勵俗見
重鄉黨里人稱有家法者咸推仇氏云

富平縣志

卷之七

人物

七十

党起孟字鴻儒孝友任恤鄉里稱之不娶守節婦
尤屬盛德辛巳

殿元王少宗伯紀其畧京兆太守田公有傳載藝文
石爲崑監生孝友慈祥處家處鄉無涼德手錄古
人格言標爲家訓歲饑出粟八十餘石濟衆里
人以麥舟遺範表其門

曹楷字端林有孝行父病痢年餘躬親浣濯不假
兒孫手比歿食朝夕必薦出入告白柩前如生
存時教子身爲義方居恒好施予姻黨中婚喪
未舉者多周恤之歲饑又出粟賑濟有以匾聯

稱謝者固辭不受人推盛德

成自孔自其高曾來相勉以和子孫恪遵先訓耕
讀孝友式好無尤現男四十人女四十二口同
居八世里中稱義門

石天魏監生七世同居現男女八十餘人耕讀傳
家孝慈友恭內外從無異言

其懿行可傳者如前明貢生任儒倚師中庠生張
鏞省祭曹思明民人李盡心李時茂田而成等
之孝事父母 主簿蓋廷章庠生仇陵楊棟田
潛儒士王胥諷民人董彥章劉普好潘龍周舉

富平縣志

卷之七

人物

七十一

賈良劉振高等之親歿廬墓 省祭張道治吏
員張然民人唐順王尙賢竇良棟等之割股療
親 通判孟國詔庠生張養正廬墓三年又居
祠三年 仇同張彥山皆賣菜傭能竭力奉養
與妻孥同啖糟糠 李盡心趙孟良劉孟豸孫
綱孟天嗣等之友于兄弟 民人王肅周肅魏
廣膚施田自新魏大倫李梅李宗橋等之任卹
鄉里 庠生劉必通民人喬秦崗於明末賑饑
同出粟一千四百石必通復代供闔里夫役銀
百兩其子庠生可繹亦樂解推 張紘田稔田

深劉瑤劉朝陽宋經王臣等之隱德 七歲善書彭佐商之幼穎

本朝廩生惠君美處士喬冲斗民人紀文碧劉尙義
温克振等之孝友兼至 孟國脉許塘魏人紀
馬光明武尙謙楊琳等之善事父母 生員魏
漁劉儼等之善事父 紀炳政李春盛等之善
事母 典史魏之琦民人楊清等之善事繼母
楊述烈邵振有等之親歿廬墓 曹騰翼楊
永寧曹承健等之割股療親 生員班璉民人
袁月望李允寧等之居喪盡禮 貢生孫長階

富平縣志

卷之七 人物

七十一

孫長陶孫長隆等之兄弟友愛 王璞玉魏光
輝魏昌蘭魏廷瑞魏曰恭之善事兄長 魏魁
芳之撫姪如子 劉永承之推讓產業 張徽
典唐加廣韓文起劉起本王義民康永衛程文
珂趙思明趙有循胡克聰吏員張大智王祉榮
等之孝友樂施 巡檢張養蘊監生楊勣楊勣
民人雷爾澤雷中辰楊標石璫楊慎行張繼梁
仇嗣馨陳自評楊之玥魏詩賔孫維天田作霖
馬自蕃監生趙希獻鄉飲大賔張雍睦耆賔劉
元坤民人權統衆等之任卹而趙之信好義樂

施焚券煮粥庠生紀釗典房糴粟以賑庠生李
廷薦授徒三原出館金糴谷捐賑人尤稱之
支起都魏承烈陳其蘊韓文仕張新發喬生祥
王天福田思問等之不昧遺金 胡崇祿業荆
頭竭力養親人稱胡孝子張繩武年逾七旬繩
宗六旬餘兄弟友愛老而益篤王子耀爲王天
祿義子事親撫姪出於至誠韓二爲人傭工拾
遺金訪還失者不受謝尤屬難能 庠生宋振
唐党懋潭王在簡許上達處士沈肅等之學品
邑人李一龍貢生劉琬門人等之視師如親凡
皆懿行可傳者也

富平縣志

卷之七

人物

七十二

按頻陽人物由秦漢以迄

國朝忠孝節義政事文章如鷄菴石疊斛山立山四
先生尚矣繼起者咸能步武芳躅流光竹帛爲
桑梓重乃若家無慚德里有義舉凡有所表見
者並採入焉邦之彥兮邦之桀兮表前徽正以
策後進也寧惟善善從長云爾哉

補遺

汛守兵乾隆三

十八年從征金川陣亡

毛諱秀本縣義城里 富平營永豐汛守兵乾隆

三十八年從征金川傷亡右並邀

恩卹賞銀五十兩

富平縣志

卷之七 人物

七十四

節烈

元

五女姓失考遭紅巾亂皆自殺明洪武時諭祭

明

劉氏惠敬妻年二十六敬死遺子方在抱舅姑皆

衰老家故貧氏紡績事育四十年無異志成化

四年旌

宋氏張傑妻甫舉子傑病氏奉湯藥晝夜不懈比

歿哀毀瀕死無何舅姑偕亡終服後非大故足

不出戶教子入庠

富平縣志

卷之七 節烈

一

竇氏韓能妻年二十五而寡事舅姑孝孀居三十

八年右並知縣陳潤上其事

惠氏劉五妻五死時氏年二十三守節終身誓不

二志聞其事者知縣馬元也

仇氏強果妻夫死無嗣氏痛曰強氏祭掃舍我誰

責誓死守節年七十餘卒

王氏李萼妻甫于歸夫卽病氏經年不歸寧萼飯

亦飯不飯卽終日忍饑晝夜事湯藥罔懈比危

謂氏曰乘吾生盍製素衣爲汝不虞備氏泣對

曰果不諱吾有死耳何衣爲翌日夫屬纊氏度

萼甦覓之則已不救

矣時夫

旌識者惜之

楊氏王志才妻年二十夫死有遺孕里人某欲出重幣娶之翁姑知不可奪令自計氏遂塞寢室戶不出者數年苦志撫孤年登七旬有孫七人皆成立

楊氏李彥章妻夫死貧甚氏勤績紡奉老撫幼姑憐其少勸令改適不從後值乙卯地震絕糧巨室謀娶者不一人氏皆痛罵不從憐婦哀之餽食却弗受與子某俱餓死

富平縣志

卷之七

節烈

二

惠氏孟學孔妻萬歷中夫爲寧夏撫吏卒惠候喪至祭畢自縊事聞蒙旌有石坊在南郭明末毀於賊

翟氏溫九疇妻明末賊破寨墜城不死復投水罵賊被殺水中

田氏陳儉妻萬歷中夫死於客輿櫬歸比葬氏囑工曰穴須寬治葬畢中夜自縊有司申請蒙旌坊曰從容就義

劉氏紀妻庠生熙昌母夫當天啟中賈於蜀訛傳不諱氏卽自縊死直指莊謙題請奉旨賜旌

貞烈之門碑樓見存

陳氏儒士張問德妻崇貞問德以父歿哀毀死氏年甫廿二泣別其母誓殉夫死托孤夫兄殮畢自縊柩前有司上其事遭變未旌人稱憾事

徐氏田而腴妻父某宦秦中以誣下獄氏請鬻身救父而腴聞其賢聘爲繼室旣而腴代父死平陽逾歲柩還氏從容迎祭成禮投繯死衣悉附體紉縫密比遺一女以哭母不食死子死父妻死夫死母節孝萃於一門洵屬難能

馮氏魏丕顯妾顯死氏年十九誓不改適撫嫡子

富平縣志

卷之七 節烈

三

孫歷四世辛勤不懈幾七十載始歿

溫氏魏希孔妻年十九守節撫子及孫皆成立登仕籍邑令丞各表其門一曰冰霜撫孤一曰貞節

李氏生員孫應魁妻歸二載夫故無出家故貧舅姑勸令改適不從乃爲立嗣守志終身

王氏石若星妻性端才敏幽貞自好崇貞八年流寇入縣氏引三女匿樓上賊欲生致之與三女俱自縊死

趙氏竇汝璽妻夫卒時氏年甚少苦節撫孤有司

旌之

常氏李應科妻夫亡撫子大亨成立取婦張氏大亨復夭張亦守志不移人稱雙節

權氏石潛珠妻年十八夫亡撫孤子璽璽死撫孫九鼎復夭撫曾孫璋及白粹璋又殤白粹得成立三世保孤遭尤困

田氏生員李允昌妻年二十九而寡初昌病革謂氏曰爾多才若能教子成立死無恨比卒痛欲身殉舅以夫遺囑諭之乃止茹苦完貞教四歲孤後果成名

富平縣志

卷之七

節烈

四

張氏生員陳俊士妻嫁未幾夫遠遊不歸氏依姑
王氏紡績度日值大稞苦饑常閉戶數日不啟
隣人號之不應疑餓死排牆入視姑與婦皆整
衣坐床上叩之曰無人可求忍饑俟死耳衆憐
其苦釀米麥具飲食給之約盡再給拜受閉戶
久之終不啟復排牆視則皆端坐死床上所給
米麥委床側飲食置床前几上朽敗蠹生矣
孫氏支國楨妻十八喪夫上奉老舅及同居伯叔
撫姪王佐爲嗣尤竭慈愛苦節歷五十年
楊氏李効忠妻太史因篤祖母值明末寇亂族中

諸婦共處一樓賊攻破堡舉火焚樓有一賊舊
爲丐者感楊氏往昔施予恩亟呼使下楊氏義
不肯從與同族良賤八十一人俱焚死賊去火
滅家人得其尸獨完好如生

劉氏邢加貞妻明末流寇攻掠氏投井死

楊氏石巍妻父爵卒哭死人稱孝女

惠氏翟大龍妻姑早亡遺一女與己女年相若值
寇亂走避度難兩全棄己女抱姑女奔陰村寨
舅先在焉問知其故衆義之約丁壯數十人覓
女歸

富平縣志

卷之七 節烈

五

胡氏紀英妻二十一而夫亡遺子甫二齡值寇亂
投井中折肱賊退救出得不死苦節撫孤教孫
入庠

陳氏党敏妻 支氏張饒妻 王氏張謐妻一孫

氏胡進朝妻 田氏郭承蒼妻 楊氏田貢妻

劉氏王應奎妻俱矢苦節有司匾獎

馬氏惠本仁妻 田氏李可久妻 趙氏劉紳妻

張氏李祥妻 劉氏孫朝用妻 張氏陳世

貴妻 樊氏劉述堯妻 惠氏宋尙節妻 王

氏張廷瓚妻 張氏李大亨妻 張氏李羔妻

郭氏紀 妻 張氏李汝儀妻 胡氏王山
妻 氏紀東野妻 王氏張仲木妻 楊氏
王盡忠妻 紀氏邵積妻 來氏劉元義妻
張氏楊維藩妻 胡氏李濟民妻以上諸節婦
俱夫亡守志撫孤成立

本朝

牛氏程世武妻秉性堅貞克盡婦道強暴程尙榮
逼姦不從被殺獄成尙榮寘重典

古氏生員竇允陞妻夫亡冰蘖自矢苦節多年

唐氏温九鵬妻夫隨氏父之任江南值危疾氏截

富平縣志

卷之七 節烈

六

指和藥以進獲痊又三載夫亡氏年二十二攜
孤扶櫬歸茹荼堅守年五十六終

王氏常名顯妻婚七載夫亡堅守四十餘年孝事
舅姑旣歿薦饗務極誠恪舅有妾無出氏亦推
心奉事撫子成立今已一門四世矣

賈氏王定宇妻宇任山東博興典史以病歸嘗謂
氏曰我脫不諱如老母幼子何氏誓以苦守迨
宇歿年二十五歲姑以哭子寢疾委曲事養後
率子營喪葬遠邇稱賢孝

紀氏武承堯妻夫逝後嚴正自律勤瘁愈加歷五

十三年冰操如一

竇氏王昂妻昂客死氏年二十二矢志守節孝養
舅姑鞠育幼子荼苦終身

趙氏竇公朗妻夫亡氏年二十二子甫二齡家徒
四壁奉舅姑克殫誠敬撫孤成立

劉氏韓養京妻年二十二而寡矢志苦守養衰姑
撫子苦節著稱以上康熙五年至五十四年間
蒙

旌

陳氏鍾鳴震妻年二十七夫亡家貧甚誓志不移

富平縣志

卷之七

節烈

七

侍姑病三月不解帶教二子耕讀成家

党氏程文朗妻夫歿時氏年二十七事親撫子備
歷艱辛壽六十八

陳氏孟宏道妻年二十二而寡撫姪爲嗣服縞茹
素守節歷四十餘年

樊氏孫自慎妻慎未娶入滇久不歸氏以舅姑窮

富平縣

老自詣夫家事之旣而自慎自滇寄書云已別
娶李氏生子文達令氏改適氏誓死不從前令
楊公義之移咨滇中查自慎擬招歸而自慎已
死文達籍大姚爲諸生聞嫡母尚在扶自慎柩

奉李氏攜妻妹間關萬里歸富終養氏時年近六旬待李如胞撫文達如己出雍正四年

旌表乾隆二年知縣喬履信以文達歸養事申請蒙恩賜六品頂帶李氏姚安白鹽井人方自慎娶氏諱言有原聘在至楊令檄查時氏年已六旬二長女皆適人文達欲歸富慮氏有難色氏曰兒合北歸願同行不復戀故土矣既抵富以嫡長推樊氏每事下之沒齒如一日

王氏張鳳舉妻順治元年夫歿氏甫十九齡家業蕭索氏辛勤力作僅免凍餒壽踰耄耋得見曾

富平縣志

卷之七 節烈

八

孫入泮

李氏張瓚妻年二十一夫亡痛不欲生念夫遺命奉姑撫子和妯娌睦親族生平無疾言遽色歿年五十三歲

秦氏汝任妻年二十五舅與夫死於粵氏無子痛絕不食戚友感之助金迎櫬歸守節十五年始立姪爲嗣鞠養辛勤克底成立

劉氏孫三哲妻哲亡時遺孤甫兩月繡佛長齋冰霜自誓

楊氏郝世川妻夫歿年二十五誓天截髮以示靡

他姑臨終囑令改適涕泣不從訓子嚴慈兼至
潘氏袁之崔妻夫亡堅志守節艱苦備嘗奉二親
如禮

樊氏王永祥妻夫死於客獨攜藐孤歸艱辛自守
勤勞訓子弱冠入庠

党氏孫越妻婚三載夫亡踰四月生遺腹子氏恪
奉舅姑不辭艱瘁鞠子成立

王氏曹棻妻二十四而寡事祖姑及姑敬謹無違
竭力撫孤二子一孫皆入庠

由氏張秉乾妻夫歿氏年二十痛不欲生投繯者

富平縣志

卷之七 節烈

九

再以救免撫孤子教養有方克底成立

劉氏唐宗義妻夫亡撫孤幾成立復天立姪爲嗣
甘心茹苦堅守不移

楊氏劉世鼎妻二十三歲夫歿值大稔藜藿不充
營喪葬能如禮鞠幼子撫孤姪守節三十餘年

惠氏李源妻夫抱病經年奉事不懈比歿氏年甫
二十奉孀姑撫孤子堅志完操

王氏魏之玉妻二十二而寡事奉高堂撫育藐孤
拮据井臼霜節彌堅

惠氏生員胡之藩妻夫卒喪葬如禮教子治生飭

以立品子涓拾遺金訪還失主皆由氏教卒年
七十三

李氏惠化舉妻年二十一夫歿欲以身殉姑泣諭
乃止家貧困以女紅自給舅姑復相繼逝典鬻
衣釵始克成禮孀居二十六年

牛氏富平人咸寧高繼藩妻年二十一而寡求死
者數矣既以舅姑在強起奉事人稱節孝撫一
女長適諸生劉琨乞族子成勲爲嗣亦成立
李氏朱全信妻苦節四十餘年孝慈交至

楊氏胡之幹妻苦節四十二年

富平縣志

卷之七

節烈

十

張氏趙九益妻青年喪夫苦節撫孤

李氏己卯舉人王作霖妻少寡守志孝舅姑撫弟
姪苦節三十二年以上雍正三年至十一年間

蒙

旌

李氏王際盛妻年十八于歸三載夫歿孝親撫孤
苦節三十五年

李氏竇翥鳳妻夫亡於外氏守節上事舅姑下撫
遺子辛苦備歷

翟氏田資世妻夫亡氏年二十二養親撫孤荼冰

自誓

田氏張希廉妻茹苦完貞孝親撫子

唐氏趙思忍妻十四歲于歸二十六而寡子之良妻唐氏二十七而寡一門雙節

孫氏程必祉妻少寡事舅姑撫幼子苦節四十四年

張氏新移村張文卷女幼字王發秀秀外出久不歸康熙庚午值洊饑生人婦去帷者不勝紀氏父家故貧甚與夫父謀令改適堅拒不從父以勢難相贍無寧他適可自活氏曰女誠累父兄

當自歸王氏父止之已而復謀嫁氏自縊以救免其族諸生張珏往諭守前議益決珏歎曰女有至性以俗見相目謬矣俾其父歸諸王氏時舅已篤老兄嫂旋歿遺子玉斗及一女氏奉老撫幼皆盡力爲玉斗聘幼女待年於家數年舅歿女嫁玉斗成婚旣舉子而發秀終不歸年六十餘猶日夜力作不自休

張氏楊起鳳妻年二十一夫歿甘貧撫孤舅姑見背後析爨獨居兄嫂逼之嫁自縊以隣婦救得免未幾嫂死氏憐其男女無依請復合爨便爲

代撫兄內愧不卽從旣復力請同居撫如己出
兄歿其男女婚嫁皆竭力營之無德色

田氏趙慧妻苦節撫孤

劉氏貢生孫長階妻夫卒於京時氏年甫二十自
誓苦守奉事老親撫藐孤貧苦備歷四十年如
一日又姪數人幼失怙恃氏撫如毛裏

田氏孫盛鄆妻青年守志孝姑撫子兼營伯叔父
葬事撫孤姪如子守節四十二年

程氏王令妻年二十三而寡守節四十四年

喬氏常宏倫妻孀居守志養親撫孤

富平縣志

卷之七 節烈

十一

邢氏范正妻少寡孝親撫子兼撫孤姪守節四十
餘年

李氏趙德盤妻守節四十六年 由氏田統錫妻
守節五十三年 鍾氏劉繼漢妻守節三十二
年 韓氏董杲妻守節四十三年 趙氏李廷
宋妻守節三十二年 白氏党褒妻守節五十
八年 李氏曹三封妻守節二十四年 楊氏
任元善妻守節五十九年

楊氏王三仕妻年二十八而寡上事老母下撫孤
兒苦節四十餘年

翟氏劉源深妻待年時值夫久病父母議另字涕
泣示志年二十成婚奉舅姑侍夫病克盡婦職
越八年姑歿未幾夫亦故遺子數月翁繼娶氏
仰事俯畜歷盡艱辛迨翁亡事繼姑弗懈教子
成立苦節三十三年

唐氏郭廷賓妻守節三十六年 郭氏陳三界妻
守節三十六年 張氏支元傑妻守節三十一
年 李氏來廷樞妻守節四十二年 齊氏李
坤生妻守節二十五年 馮氏張經魁妻守節
五十三年 強氏張爾祿妻守節五十一年

富平縣志

卷之七 節烈

十三

惠氏楊道仙妻守節二十八年

唐氏楊滿生妻年二十二夫亡夫祖憫其年少子
幼嘗命之曰吾夫婦篤老汝舅且早死守節撫
孤匪易事汝試自度之氏聞言走伏竈前誓殉
夫死以頭觸地血被面祖哭且喜命扶之起曰
吾家今有節婦矣嗣後代夫養祖茹苦撫孤歷
四十年以壽終王承烈解又揚左懾諸人俱有
詩記之

郭氏師大受妻守節四十一年 喬氏張洽沾妻
守節三十三年 秦氏楊景榮妻守節三十八

年 安氏張光孝妻守節四十九年 寇氏高
君裕妻守節三十五年 趙氏張我積妻守節
四十六年 孫氏胡進召妻守節五十一年
傅氏梁一先妻守節四十四年 范氏魏有年
妻守節二十八年 仇氏同爾善妻守節五十
七年 唐氏楊秉燹妻守節三十二年 董氏
郭大訓妻守節二十年 仵氏李應昌妻守節
五十四年 楊氏張郃妻守節五十年 張氏
周旋妻守節三十九年 彭氏韋必泰妻守節
四十四年 楊氏石成收妻守節五十六年

富平縣志

卷之七 節烈

十四

趙氏竇作康繼室苦節三十二年奉親盡禮撫前
子希韓與己出希范無少差以孫鳳輝職

貲贈孺人

朱氏王之翰妻年二十三歲而寡堂兄令改嫁對
親族誓志事親撫孤苦守五十八年

高氏劉商妻夫歿值歲荒自甘藜藿餽餌奉翁姑
撫孤成立守節四十八年

徐氏王際世妻夫亡時年二十二歲孝事老姑撫
兩孤成立守節四十六年

曾氏馮文統妻夫亡後甘貧矢志事親撫孤守節

五十年

同氏楊元滋妻夫亡時遺孤宗奭宗禹俱幼姑老
又患癱疾事之數年無少懈教子成立撫孤姪
如己子守節三十五年

蕭氏王廷相妻年二十一歲而寡孝事舅姑舅姑
偶因他事不愉廢食氏悒悒不下咽者數日百
方解慰俟色霽乃已教子有方守節三十九年
羅氏王經妻年二十五而寡孝事翁姑撫三歲孤
成立守節三十七年

由氏劉志信妻夫亡時年二十二歲事舅姑盡禮

富平縣志

卷之七 節烈

十五

撫三歲孤成立守節五十四年

陳氏董迪妻夫亡時年二十八歲孝事翁姑撫孤
子紹武入庠守節五十一年

賀氏董繩武妻夫亡時年二十一歲事親撫子率
幼子營翁姑喪葬人尤稱之守節三十四年

王氏董崇吉妻夫歿遺孤四歲翁姑老病辛勤事
畜前學憲王以松筠晚翠表其門守節四十八
年

韓氏王大楷妻夫亡時年二十七歲孝事翁姑撫
姪爲嗣守節三十五年

王氏竇亮中妻年二十二歲而寡養親盡禮撫孤子成立守節三十年

周氏王大模妻年二十六歲夫亡孝事翁姑撫姪爲子恩養艱辛守節四十九年

魏氏劉漢妻年二十三而寡遇歉歲供親撫孤並出機杼守節三十七年

田氏曹三卿妻夫亡後遇歉年竭力養親撫三孤俱成立守節三十九年

王氏何功漢妻年二十四而寡舅姑早逝家計寒薄子靜江甫七歲拮据撫育及成立娶妻支氏

富平縣志

卷之七 節烈

十六

生孫二靜江旋亡支氏時年二十二歲奉孀姑撫幼子節孝萃於一門王氏守五十五年支氏守四十九年

馮氏韓景黎妻夫亡事親盡禮撫孤教養兼至守節五十一年

韋氏唐命峯妻夫亡時家貧親老曲盡孝養艱辛撫孤守節四十六年

黃氏唐虞雲妻年二十一歲夫亡姑病喘醫養惟謹教子寓嚴于慈守節三十年

董氏曹天祐妻夫亡時孀姑衰病曲盡孝養撫二

子成立守節三十三年

程氏唐命岳妻夫亡時翁姑俱逝撫孤子辛苦備至守節三十一年

劉氏強汝操妻夫亡時翁姑年俱衰遺孤週歲紡績奉親撫子成立孫秉心五歲失恃鞠育教訓舉於鄉恩勤兩世苦節四十餘年

焦氏王銘鼎妻夫亡時年二十五歲遺孤天祿撫養成立娶任氏未幾天祿歿遺孤二姑娘相依姑歿任氏率幼子營喪葬子仁入武庠義入成均人稱兩世栢操之報焦氏守節四十五年任

富平縣志

卷之七 節烈

十七

氏守四十一年

姬氏李懷義妻初夫與兄另爨勸令同居終身友愛夫歿兄亦繼亡撫三孤俱成立守節三十二年

趙氏竇爾琢妻夫亡時翁姑衰老孤子四俱幼仰事俯畜悉出紡績守節四十五年

李氏張自鵬妻年二十二歲而寡孝養病姑撫子耕讀並勗守節五十五年

王氏任永錫妻夫歿冰孳自矢教子成立守節四十四年

十三年

梁氏謝永風妻孝事翁姑撫弱息成立守節四十年

章氏張音妻夫亡時年二十六歲親已衰老委曲承侍撫姪爲子守節五十六年

党氏賀公明妻夫亡時年二十歲紡績奉舅姑以忠厚力田教子守節五十一年

緱氏許夫譚妻夫亡時年二十歲翁姑衰老克勤婦職有富人謀娶斷髮毀面以示志又爲夫胞弟營婚娶視姪如子教子成立守節六十一年

富平縣志

卷之七

節烈

十八

艱難萬狀守節三十四年

吳氏石從堯妻夫亡時年二十四歲菽水養親撫兩孤成立守節六十三年

王氏景之朝妻夫亡時年二十四歲奉翁克孝撫孤子又撫夫幼弟二人及諸姪並成立守節四十九年

王氏李浩妻夫亡時年二十七歲姑嘗勸以再醮痛哭誓志事姑孝撫三子成立守節五十年

袁氏王日誘妻夫亡時年一十九歲無子事孀姑孝姑歿母以夫家無人勸令歸就食氏曰若爾

則夫家眞無人矣不肯歸苦節三十五年

石氏張託妻夫亡時氏年二十四歲姑年六十餘
上事衰姑撫遺腹子雲翼並藉織紝姑歿喪葬
如禮子亦成立守節三十三年

倚氏喬國正妻夫亡時年二十三歲養親喪葬無
憾撫孤子大遷娶楊氏大遷歿無子時楊氏年
一十九歲撫姪爲嗣姑媳孀操並勵倚氏守節
四十九年楊氏守節四十四年

俱氏劉廣武妻夫亡時氏年二十四歲孝事翁姑
撫姪爲嗣劬勞無異己出守節三十三年

富平縣志

卷之七 節烈

十九

賈氏張遜妻于歸未及三載夫亡家貧姑老剪髮
殉夫養親喪葬如禮撫兩歲姪若敏爲嗣辛勤
課讀若敏由鄉舉官中衛教諭

賄封氏爲孺人初氏夫亡時家有孤燕不巢不乳人
以爲貞節之祥云守節四十三年

段氏王大觀妻原籍三原夫歿族人利其嫁設局
欲誘歸覺之以死誓隨買土糧數升籍富平遺
孤三長纔十二歲餘并幼氏艱苦撫育歲荒至
不舉火採食野蔬令子逢人問字故天秀兄弟
雖未讀書頗知義禮氏之教也守節五十二年

宋氏成彥勲妻夫亡時年二十歲親老遺孤在抱
值大饑夫兄謀強嫁氏聞不食數日垂死事乃
寢李二曲先生目爲閨中鐵漢灌田採蔬艱辛
萬狀而奉養無缺教子成爵成立守節五十年
師氏張惇妻夫亡孝養病姑拮据營喪葬撫子新
誠成立守節四十七年
劉氏仇蕤生妻夫亡時年二十二歲遺二子舅姑
衰老值年荒甘旨不缺而自以糟糠野菜充饑
伯翁乏嗣遵翁姑命以次子嗣課子膏火俱出
女紅守節三十七年

褚氏田爾宣妻年十八夫亡數閱月遺腹子生旋
殤姑久失明氏奉事數十年如一日後撫姪爲
嗣守節三十二年
韓氏李天卿妻年二十四而寡孝事老翁遺孤三
翼龍鵬龍成龍並撫育成立守節四十八年
翟氏孟忱妻年十四于歸夫亡時年一十六歲事
衰姑以孝稱撫諸姪如子後取一姪爲嗣守節
三十八年
趙氏李中妻夫亡時年一十九歲翁姑俱逝值歲
饑嫂欲奪志誓不從嫂因析氏另居以難之

衣食弗給日夜績紡教子耕讀守節六十六年
王氏邵學增妻夫亡時一十九歲時祖姑年八旬
翁姑俱六十餘氏躬親奉養夫亡七月而遺腹
子生有慮其不能終守者氏聞引刀斷指以自
誓祖姑暨姑卒翁以氏無依娶繼姑方氏氏孝
養如姑翁與繼姑相繼歿又奉叔翁姑如其翁
姑家故貧紡績供子學子爾詣蜚聲庠序守節
三十七年

師氏張宗昌妻夫亡時年二十一歲夫歿異地親
老子幼奉養撫育備嘗辛苦守節五十一年

富平縣志

卷之七

節烈

二十一

強氏劉重文妻夫亡時年一十九歲無子事癯翁
老姑撫夫弟子爲嗣旋殤又撫夫兄子爲嗣恩
勤備至守節四十一年

張氏王興甫妻夫亡時年一十八歲翁姑衰老奉
養喪葬無憾撫姪爲嗣恩勤無異所生守節三
十七年

田氏張廣聚妻夫亡時年二十六歲衰姑在堂子
甫六歲養親撫孤並藉紡績守節三十九年
孫氏陳光宗妻年十七于歸夫亡時年二十二歲
親老二子俱幼仰事俯畜備嘗艱辛守節四十

七年

任氏袁毓璉妻年二十二而寡上事舅姑下撫弱
息艱難困苦舅姑相繼歿子方成立生孫子婦
亡復撫孫孫婦又亡撫曾孫劬勞三世苦節四
十八年

李氏孝子師其禮妻夫亡時年二十四歲初氏于
歸姑旋歿夫以守禮三年不入室未幾因哀毀
亡時翁在堂氏矢志守貞取姪爲嗣翁篤老動
須扶掖孝養二十餘年無懈守節三十三年

王氏胡煥妻夫亡時一十七歲有慮其不能守者

富平縣志

卷之七 節烈

二十一

氏攜幼子哭於堂上更以刀斷指翁姑泣慰之
卒能養親撫孤子成立守節四十四年

仇氏曹文常妻夫以父遠出無音憂勞至死氏時
年二十一歲祖姑年八十餘患痰疾姑古氏素
失明二子俱幼拮据事畜守節五十一年

田氏陳文質妻夫故時年二十二歲翁年已逾七
旬遺孤方二歲奉老撫幼守節四十七年

周氏党著妻夫故時氏年二十三歲翁病痰火輾
轉床褥氏殷勤奉侍者數載撫姪內澤爲嗣又
姪孫新綬幼失恃氏爲養育稍長課讀書早歲

成進士人謂非氏教養不及此守節四十五年
張氏郭世耀妻夫故時年一十八歲翁姑俱老孤
子纔四閱月氏孝養衰親十六載無懈子亦成
立守節五十一年

喬氏張明鼎妻夫故時年一十九歲家貧親老子
幼氏勤于女紅雖嚴寒盛暑不言苦守節四十
四年

田氏石亮爵妻二十一歲而寡姑老遺子二歲家
極貧姑復病痰疾動履須人氏扶持奉養又能
教子成立

富平縣志

卷之七

節烈

二十二

楊氏監生竇士甲妻夫故時年一十九歲事翁姑
以孝聞撫姪監生景彥爲嗣視如己出守節三
十二年前學憲吳公以節孝雙輝表其門

張氏溫雙妻夫故時年一十九歲家貧親老遺子
甫數月氏委曲支持俯仰並濟守節三十九年

張氏路必庭妻年二十三夫亡欲以身殉姑泣慰
之曰爾忘遺子在腹並堂上白髮乎且兩歲姪
失恃恩勤誰託氏乃感泣苦守尋生子全德與
姪全有並藉撫育衰姑以壽終苦節四十五年

李氏賈遐齡妻夫亡時年二十二歲姑老子方一

歲事畜兼藉守節三十五年

張氏李之廉妻年十九夫故生子甫三月姑年逾七旬家貧藉女紅養親撫孤守節四十七年

紀氏邵憤然妻夫亡時年二十三歲遺孤甫彌月翁姑俱六旬餘姑又病痰疾醫藥飲食十數年無懈教養孤子良弼有聲庠序守節三十三年姚氏張天義妻夫亡時一十八歲翁已老以媳代子養送無憾撫孤子彩成立彩旋亡遺孫大全方四齡撫養及長得曾孫孫婦復亡氏年七旬矣仍勤顧復歷艱辛者四十九年

富平縣志

卷之七

節烈

二十四

党氏任璠妻夫亡時年一十九歲奉翁姑必誠必敬撫前子恩勤如己出守節四十一年

楊氏曹近思妻年十七于歸家酷貧棲身無地翁歿寄柩隣居夫死時幾欲投繯氏父諭以舅柩未葬姑老無依夫嗣乏人乃拮据養葬撫週歲姪爲嗣旋殤守節三十五年

王氏趙國琰妻二十五歲夫亡遺孤二長僅六歲次五月孀姑在堂矢志堅貞垂五十年養親喪葬無憾二子俱成立

李氏曹天祚妻年二十四稱未亡人衰翁在堂代

夫養送遺孤振先僅三歲比長娶郭氏生子希
哲未幾夫婦相繼歿氏又撫孫詎希哲授室後
甫生子枋而夫婦亦亡氏以單寒孀婦白髮皚
皚撫子撫孫兼撫曾孫恩勤三世守節六十餘
年卒年八十七歲

韓氏支文英妻夫亡時年二十六歲事姑撫夫弟
備極辛苦後取姪爲嗣夫弟歿待弟婦如同胞
妯娌俱勵孀操守節三十七年

王氏支文起妻文英弟婦夫亡時年二十七歲事
姑奉孀嫂惟謹嫂歿貧不能葬哀求助賻後令
子傭工以償糟糠自甘守節四十九年以上乾
隆元年至四十二年間蒙

富平縣志

卷之七

節烈

二十五

旌

王氏馬承奇妻年十六于歸生一子未幾夫歿於
湖廣氏典賣衣物託夫弟扶櫬歸事親撫子守
節四十六年

王氏任永吉妻年十七于歸夫亡時年十九歲遺
孩三月姑卧病拮据俯仰守節四十七年
曹氏師聯詔妻夫亡時年二十一歲姑以哭子失
明遺孤方兩歲斷髮截指守志不渝姑壽終子

亦成立守節三十一年

翟氏紀自亨妻夫亡時年一十九歲事姑病惟謹
遺孤錫冕甫數月恩勤備至守節四十餘年以
上乾隆四十一年具 題請

旌

孟氏韓閭妻夫歿事舅姑鞠遺腹子艱辛餬口卒
年七十有八

武氏明文選郎中周文煥繼室夫卒氏年二十九
歲守節教子三十年如一日知縣李之粹申請
提學李堂馥旌曰天壽永闡縣立表曰貞節流

富平縣志

卷之七

節烈

二十六

芳直指某方擬上請會職裁未行

賈氏陳忠心妻忠心死國難守節四十餘年教子

範成進士歷官至副將

載通志

王氏楊純妻純於雍正七年患病死氏投繯者再
皆以救免其伯母諭之曰汝無子脫死誰葬夫
者既葬死未晚氏乃出簪珥質十餘金付夫弟
楊綬以十九營葬事餘一市薄棺爲己他日需
自是不復言死顧時時問葬夫狀至九年十一
月綬爲卜期在十二月三日氏喜形於色以指
濡煤墨書二十九日字於壁且屈指計曰扶山

日一七矣

富俗以葬後三日祭墓曰扶山

至葬前四日暮猶與

嫂姑戲分食餅毫無愁慘狀時小姑與氏同牀
寢氏指牀謂姑曰來夜寬濶矣吾連口困憊欲
稍安舒姑今夜且他寢力遣去沐浴着新衣先
布毡牀下爲置尸地闔戶自縊死從容就義遠
邇稱誦

康氏蘇州人督學田公本沛側室年十六侍公甫
三載公歿公子若琬遵遺命令改適不從既而
招其母兄至居久之其母約與俱歸復不從母
持之急遂截髮自誓終不從若琬感之遣一子

富平縣志

卷之七

節烈

二十七

一女侍養氏撫如己出歷五十餘載不少變初
氏能詩工書畫自田公歿焚棄筆硯絕口不吟
李氏楊暎妻年二十三夫死育子師遐成立遐妻
逝氏撫孫一殿入泮食餼不墜先緒八十七卒
孫氏王紳妻年十六于歸甫兩月夫外出家極寒
氏力作養親閱三年聞夫客死卽剪髮設誓不
再醮奉舅姑至老死殯葬如禮屢遭奇荒忍饑
死守鳥雀感之皆馴擾就掌中食有憐而調之
者稍足餬口轍却其餘不肯受里人以瓜大姐
呼之

富俗謂愚獸爲瓜

苦節六十餘年以壽終族隣公

議鬻其室具棺衾殮葬表其墓

趙氏孟建業妻年二十三夫爲逸獸所傷死子復
歿於水幼子生甫一齡烝烝苦守五十餘年卒
楊氏生員趙有禦妻年十九夫亡矢志撫孤舅病
革以氏年少諭令改適氏截髮自誓姑老患痰
症氏奉侍櫛沐俱廢比愈理髮盡脫子稍長課
讀父書有丸熊畫荻風守節三十二年而歿
孫氏楊之因妻歸三年因死於客誓不再醮夫族
無餘人惟一姊間歸相伴憐其孤苦勸令改適
泣曰吾不忍忘舅姑代夫奉祀姊獨忍絕父母

富平縣志

卷之七

節烈

二十八

血食耶屢勸不從久之氏妹復勸曰楊門無人
姊力漸衰卽欲爲奉祀計獨不爲饑寒計耶氏
曰所不忍他適者正爲楊門無人耳且饑死病
死等死耳脫失節他適縱不饑死他日將不病
死耶終不從

紀氏李宗元妻十九歲而寡守節撫孤上事老舅
並撫弟姪烝烝一嫠力作以給者二十餘年
張氏周允望妻年十九歸允越四載夫亡無子子
立終身歷五十六載冰操愈勵

侯氏監生田廣璽妻歸四年夫亡氏年甫二旬守

志撫孤未幾二孤俱夭姑憐其苦諭令改適氏誓死不移以近族無人取遠族昌基子學謙入繼既娶婦昌基次子死年老無依謙復歸宗更立遠族子爲嗣既而謙夫婦俱亡氏仍撫其孤文斗得成立

趙氏王化行妻年二十四夫死無子孝事孀孤孫氏苦守三十九年卒

趙氏監生陳重徽妻年二十夫亡無子取姪充禮爲嗣教養如己出後任富陽丞婦亡撫孫廷佑亦成立

富平縣志

卷之七

節烈

二十九

仇氏田良吉妻嫁甫二載夫入川別娶不歸氏既無子獨力奉老姑以孝聞夫姪田穆生九月喪母氏養育得成立守志三十五年死

陳氏喬經瑞繼室年二十一夫歿氏誓死守撫前子近漢如己出事姑尤極色養既而三子夭二三婦俱亡氏復躬育四孫皆成立

樊氏通海知縣惠霏嗣繼室夫卒於官遺孤方十齡氏將子扶櫬歸里矢志苦守歷二十年卒孫氏竇士純妻夫死無子苦守二十年夫弟士雅生子以父遺命嗣士純氏撫養成立

氏魏爾璋妻年十六而嫁踰年夫死無子家酷
貧氏力女紅以自給值荒數日不舉火僵卧待
斃隣姬諷之嫁泣謝曰寧死無失節又勸市屋
曰吾不忍以口體故棄夫產茶冰自誓近六十
年迄無怨聲

孫氏魏乃鼎妻夫客死子方數歲已復亡氏獨力
自活遭荒忍饑無悔隣有餽食者受而不食自
以嫠當遠嫌族姻慶弔槩不往鶴髮鳩面扃戶
勤績間出拾薪歷五十年如一日

權氏馮士選妻年二十一夫以求父尸不得哭死

富平縣志

卷之七 節烈

三十

氏事姑撫子守節五十三年壽七十四前令郭
公傳芳表其閭

竇氏孝子唐四維妻夫客死氏誓志守節子鼎鼐
妻喬氏年二十六而寡奉養老姑教子鳳翬得
遊泮

紀氏羅國相妻相歿湘陰任所氏矢志守貞事姑
撫孤歷四十餘年

吳氏叅將許雲程妻守節數十年奉親極孝教子
成名子上達妻張氏守節三十五年遭際尤苦
田氏惠方深妻夫歿氏年二十八上無舅姑下無

子息依叔舅從弟守節三十一年撫從弟子爲
嗣甫成立亦早死

王氏舉人惠陵妻陵以四川試用知縣歿京邸氏
奉老姑撫遺孤苦節三十餘年

李氏魏子翼妻年二十五于歸越三年而寡無所
出當夫病革時語氏曰忍再適乎對以不忍能
忍死爲吾奉寡母立嗣子乎對以能後果克踐
而歿蒲圻馬工曹之鵬銘其墓

田氏郭大陝妻于歸未逾月夫人蜀不歸氏績紡
奉舅姑至老死夫族無人乞外姓女爲伴壽八

富平縣志

卷之七 節烈

三十一

十七督學覺羅公以貞操耆壽表其門

陳氏趙懋妻嫁甫兩月夫撻廢疾氏竭力奉事歷
十年夫歿事舅姑愈篤誠孝撫姪爲嗣夭死夫
弟生員趙恂復爲立嗣前令喬公以鐵骨支霜
額其門

魏氏張秉均妻所遭與陳氏同其節孝亦相符無
少差又李氏楊峻啟妻亦以少寡無出撫姪爲
嗣苦節終身

蕭氏劉膏妻年十八于歸二十四夫亡奉姑撫子
艱辛無似旣納婦數年子病死撫孫未久復病

死取期功子繼幾成立亦病死煢煢獨處苦志
完貞幾五十年

陳氏張養真妻夫亡無子族孤無可入繼者矢志
守節惇獨無告守志終身

胡氏生員雷爾藩妻少寡孝事舅姑撫孤子璠成
立入庠

秦氏田星井妻少寡誓志撫孤孤夭撫孫得成立
李氏田榮親妻夫歿奉親撫孤兼撫幼弟

李氏孟國榮妻十五而嫁二十夫亡誓殉夫死舅
姑以年老無依孤子難撫泣諭之氏勉從親命

富平縣志

卷之七 節烈

三十一

仰事俯育子身獨任苦節三十餘年

李氏趙經民妻十五于歸甫三月夫外出不歸其
家令氏改適誓死不從姑病嘗割股療之

馮氏賈光孝妻嫁數月夫入川久不歸舅病癱氏
獨力奉事歷久弗厭伯姑無子死氏爲營葬扶

輒臨穴里人稱之

賈氏千總王道立妻夫戰死一子外出值大侵氏
計已年既耄恐饑死舅與夫柩將長暴露乃盡
質什物理葬事身着衰麻執紼歸窆見者感泣

高氏唐悌妻幼授書知大義甫歸悌隨舅姑遠

石門悌死氏自經以救免比舅告歸途次亳州
姑病劇氏割股療之既歸撫孤成立又收養從
姪婦某氏里稱其義

石氏成希秀妻年十九而寡誓死守母欲奪其志
投繯死時炎暑停尸待棺七日夜不腐香氣遠
聞青蠅屏跡祀節孝祠

賈氏魏曰琮妻十四而嫁七年夫死所親勸之嫁
不聽姑又諭之終不聽庚辛洊饑氏節食以奉
舅姑其自食菲甚舅將出語其姑曰婦至孝忍
令饑死試與商改適氏聞大痛欲自盡舅行數

富平縣志

卷之七 節烈

三十二

日返氏意其將嫁已次早乘間盥櫛著新衣自
經死年三十四

楊氏孫世立妻夫歿氏年十八投繯死前令劉公
燦以志烈秋霜表其門

紀氏武二妻與弟婦古氏俱少艾無子而寡相依
守志終其身其叔母某氏亦以苦節著人謂貞
節萃於一門云

李氏趙自桂妻許氏自桂妾夫歿李年二十八許
年十七同心守志撫孤子生藺成立既納婦生
子夫婦俱亡同撫孤孫亦得成立

氏 成鳳妻嫁甫三歲而夫歿歿時以氏年少
家貧無資生計囑氏更適氏曰姪方在身幸
得男當爲君撫之若女卽從君地下矣旣而生
女氏泣欲殉夫母氏嚴防之少疎閉戶雉經死
權氏石含珠妻守節撫孤壽登九十又孫 妻
王氏同婦李氏一門雙節王壽九十李八十
韓氏紀九序妻與夫弟九鵬妻韓氏皆少寡各撫
孤成立苦節五十餘年

趙氏周有斐繼室夫歿時氏尙少事姑盡禮撫孤
孤夭又撫孫家道中落獨力撐持三世倚賴里

富平縣志

卷之七 節烈

三十四

人稱之

王氏幼受茅姓子聘比嫁而茅夭女聞訃不食父
母往弔求與俱父母怒止之女大痛父母出戶
卽自經相傳澤多泉南有烈女墓今失其處

吕香香蓋銓妻周氏婢氏歸銓香香媵焉氏卒遺
男女各一銓連納二繼室凡舉子悉香香鞠育
及銓病將死僅存一子甫五齡深慮靡托香香
曰有婢子在幸無憂銓以香香平昔無寵僅備
炊掃額之未信也銓死繼室相繼亡家徒四壁
加洊饑人相食香香茹嚙冰茶撫孤 旣而

漂泊他鄉香香獨處窮廬紡績自給終其身
雷氏徐浩妻浩死氏年十九卽誓死姑與隣婦諭
以妊在身何可遽輕生尋產一女欲不乳家人
勉令乳之未幾投繯死

田氏陳宗器妻器夙抱痼疾氏歸時疾已甚囑父
母善視新婦當令別歸佳處又以語氏氏婉詞
慰謝比歿將殯氏解己衾衣鋪棺內家人覺有
誓死狀嚴防之及至葬囑言好治墓令可容二
棺舅姑等悲哀相諭卽佯應以情偶激烈姑妄
語耳旣而防少懈中夜雉經死年甫十七距夫

富平縣志

卷之七 節烈

三十五

亡僅月餘鄉人哀之醵金伐石表其墓

溫氏紀寧妻苦節撫孤前邑令喬公表其閭曰松
栢有心

程氏段良賜妻翁病癱委曲奉事歷久不懈

魏氏程武妻夫客死川中家貧無子奉養老姑年
九十餘終又族伯老病雖異居亦竭力奉之

張氏范成仁妻年二十四歲夫歿於郿遺孤二齡
氏事姑撫子孝養備至初有以改適諭者氏碎
案頭磁碗斃面示志三十餘年操作辛苦妯娌
皆感仰和順子兆麟以第二人魁庚辰鄉榜人

稱貞報

李氏江寧人府叅袁夢崑側室袁客中娶之時年十五歲越十三載夫故遺孤景宏十二齡撫養教誨苦節二十六年卒氏儒家子素嫻書翰與嫡處雍雍無間言尤好施予子若孫並列膠庠人稱貞淑之報潼關進士楊鸞爲作傳

石氏董元琅妻年十五于歸翁姑亡祖翁姑在堂夫歿異地痛絕者數矣祖翁泣慰曰我夫婦已老汝死將誰依氏乃冰霜自矢竭力奉養歷十餘年無懈撫姪爲嗣搬夫柩安厝守節五十年

富平縣志

卷之七 節烈

三十六

溫氏董世珣妻夫故時年二十五孀姑弱息奉養艱辛子成立生孫僅二歲子與媳先後亡復撫孫守節四十八年卒年七十二歲鄉里表其門曰兩世撫孤

惠氏蘭思柱妻年十七于歸未半月夫亡前子永潔甫三歲恩勤如己出奉姑克篤婦職初潔師劉純夫逝幼子無依氏收養仍請於姑爲置產成室尤巾幗之不多覲者邑宰學博並表以匾王氏李發枝妻年二十二夫亡翁姑俱老取姪懋修爲嗣孝養備至懋修早卒遺妻田氏方十七

歲初修以病中婚年餘未入室田氏旣孀嘗私語姑曰媳實處子冰霜苦守爲夫立嗣人稱累世貞節

魚氏生員王在岐妻二十二歲夫亡堅貞守志事祖翁姑翁姑及叔翁姑撫嗣子監生任暨孫諸生翹楚並曾孫仰事三世俯育三世節孝賢慈並著

馬氏白乃恂妻夫亡時年一十九歲越四月遺腹子允璞生劉氏白乃忱妻夫亡時氏年二十四歲越一月遺腹子允黃生舅姑衰老孤兒襁褓

富平縣志

卷之七 節烈

三十七

妯娌同勵霜操養親撫子人稱一門雙節

程氏劉九春妻年十九而寡家赤貧姑老且病遺孤三歲旋殤撫姪爲嗣辛苦事畜前任李公以孝慈永貞表其門

張氏党遴妻年二十一而寡遺孤克揚方三歲有謀娶者厲色拒絕姑以哭子失明執七奉飲食二十餘年無懈姑壽幾百齡終嘗有賊夜入室盜犢子喊母起逐氏曰犢可失戶不可啟及隣人覺趕犢送還氏曰寡婦家無暮夜與人見面禮聲謝而已苦節多年克揚早卒妻路氏奉

撫子亦以貞孝稱

田氏陳廣居妻年二十孀居家故貧遺子甫六閱
月旋殤孝奉衰姑後撫姪爲嗣恩養備至苦節
四十餘年前令李公以宇宙完人匾其門

趙氏孫宗孔妻孔亡時氏年二十歲舅姑衰老孤
子恭甫三齡氏養親存孤舅姑壽終拮据營葬
孤稍長就傳授室未幾夫婦相繼歿遺孤廣積
方四歲氏養育成立娶妻生子登無何廣積婦
又歿氏以年近七旬之孀婦撫子撫孫並撫曾
孫曾孫登逮事曾祖母尚十有餘年苦節五十

富平縣志

卷之七

節烈

三十八

餘載卒年七十三歲

楊氏田聖謀妻二十一歲而寡無子撫姪葺爲嗣
娶楊氏生子汝璧葺亡母亦繼歿葺妻楊氏紡
績撫子姑媳並苦節多年

陸氏紀誌妻年二十三而寡奉老姑撫幼子迨子
生孫媳亡又撫孫守節四十餘年卒年七十七
歲

李氏張希程妻年十七于歸越四載夫歿無子孝
事翁姑後取姪翎爲嗣翎多疾其生母又患病
三姊無依護持顧盼惟氏迨翁姑歿翎生父母

歿三姊復歿氏竟以悲勞成廢疾亦歿苦節三十餘年

孫氏楊源洪妻洪客死漢中時氏年二十三遺子昭一歲翁老氏設夫靈位垢面毀容剪髮示志時時抱兒泣夫位孤稍長赴漢扶櫬歸竭力營葬有微言勸改適者復嚙指拒翁壽終教子昭入庠妯娌俱亡撫諸姪如子人尤稱之

崔氏線兆熊妻歸二年而夫死夫病中嘗問氏曰我脫死爾年纔十九能守節養親否對以能且斷左手一指示之迨事舅姑壽終其父母以貧無依勸嫁輒以死誓撫姪爲嗣苦節六十餘年壽八十

富平縣志

卷之七

節烈

三十九

徐氏楊芝振妻年二十七而寡翁患痰症姑復以哭子病養送備歷艱辛子二夫歿時長七歲次庠生學篤尙在襁褓課養盡出十指中守節四十年

郭氏王在政妻政爲人僱營窟室壁忽墮壓塌瀕死囑氏勿以貧故累營窟家政旋歿氏鞠遺腹子熊兒長成傍崖招商己丑秋夜半崖忽崩壓死十九人熊兒與焉氏時時哭叫聞者斷腸紳

士述其畧曰懸崖復墮混玉石而爲泥大塊何
殘摧梓橋而俱殞氏後覓姪爲嗣前令如臯陳
公以苦志可風表之

周氏楊思言妻言業織葦薄及歿氏襲爲之嚴冬
風霜十指盡裂血淋瀝濡葦上迄不言瘁子國
樞未讀書知孝亦勤父業憶母苦輒身伏葦薄
間泣氏守節三十餘年前令崔公以苦節流芳
表其門

仇氏郭雲起妻年十九于歸隨夫逃荒湖廣租佃
度日夫歿長子亦善始四歲次亦寶夫歿兩月

富平縣志

卷之七 節烈

四十

而生母兄欲奪志乃央胞姪亦棟負二子徒步
歸嚴冬遠道艱苦萬狀至則莊田全無織紡度
日學師郗表其門曰苦節獨貞

吳氏惠文罡妻年十九而寡翁姑衰老遺子一歲
辛勤事畜越六年翁姑歿氏母以家貧子幼勸
令改嫁遂託孤投井以救免又入房自縊嫂覺
之斷繩得不死辛勤教子至老不倦

田氏儒童王悠遠妻十七歲于歸祖翁翁姑俱在
堂未幾姑病癱氏湯藥扶掖者五載姑亡祖翁
及翁已衰老夫旋亡氏時年二十五歲無子勸

翁續娶後生一子小花無何翁同繼姑先後逝
氏上奉八十三歲之祖翁下撫甫逾周齡之弱
叔越四載祖翁壽終小花已長成又爲授室綿
王氏一線之脉者氏力也現年六十五歲守節
四十年

劉氏趙林妻年十八于歸七年而寡遺子丕承方
兩歲衰翁在堂家酷貧氏拮据奉養歿無以葬
賣所存屋二間攜子依母家女紅自給無何父
母逝復攜子依夫之外家備嘗艱辛現年七十
餘歲守節四十六年

富平縣志

卷之七

節烈

四十一

王氏成克玉妻年十五于歸歷八載夫亡遺二子
家貧叔姑老而其子服賈遠方氏孝養不倦又
爲夫堂弟娶妻夫婦相繼歿嗣以次子人稱賢
淑

張氏紀廷珠妻夫亡撫子元明元明妻楊氏年二
十而寡撫子紹兼孝事孀姑張守五十二年楊
守三十四年人稱婆媳雙節

姚氏劉仕興妻夫以從征亡氏年十九歲舅姑俱
老撫姪開顯爲嗣異居兄與父謀奪志氏痛絕
夫兄不歸寧者三載苦守四十年

李氏王尚賢妻十五歲于歸越三載生一子而夫
亡翁姑在堂值旱翁以求雨歿於太白山未幾
姑亦亡氏欲合葬攜幼子偕母弟搬柩往來數
百里鄉里重之以苦節昌後表其門

趙氏李天樞妻年十八于歸越三載夫亡遺孤以
煒在襁褓中家貧翁姑衰老紡績養育翁嘗病
醫藥調治以乳汁煎服迨翁姑逝率幼子營喪
葬如禮子亦成立方天樞之歿也氏抱子痛哭
乘夜縊柩前以繩斷免嗣有以改適諭者輒唾
其面人稱貞烈現年七十二歲苦節五十年

富平縣志

卷之七

節烈

四十一

党氏楊輅妻二十五歲而寡無子奉翁姑惟謹取
姪德讓爲嗣教之成立

齊氏張執妻年十五于歸二十三而寡遺二子長
崇隆方五歲次崇載尚在襁褓家極貧紡績撫
育旣各授室隆媳雷氏年十七于歸越八載夫
亡載媳惠氏得一子三春無何載亦亡時婆媳
三孀鞠養一孤齊氏嘗泣告雷氏曰家貧汝又
無子盍他適以自活雷哭謝願餓死無悔因告
惠氏曰家貧我長婦宜代夫奉親無再醮理爾
年少於我盍改圖若子我當撫之惠以孀嫂無

子且能守我詎不能奉姑撫子並事嫂乎三孀
同勵貞操歲旱秋禾寥寥多爲雀鳥食氏家二
畝獨無恙收穫時婆媳三人各負一束幼孫三
春亦抱一小束隨後人指稱之齊年七旬有八
終雷卒年七旬有二惠亦壽六十餘並苦節多
年且出一門尤屬難能
翟氏張得宏妻年十七于歸二十三歲而寡夫弟
一夙攬癆疾氏斷髮示志奉祖姑暨翁養送皆
以紡績支持鞠遺腹子克儉亦成立生孫矣現
年六十七歲苦節四十餘年

田氏監生張大章妻十八歲于歸五載夫亡遺孤
璫二歲姑衰老守貞養育璫亡遺孫俊麟八歲
仍藉氏撫育守節三十五年

趙氏王吉常妻年十六于歸末期夫故遺腹子廷
杰生氏霜操自勵事親以孝稱撫孤成立刻意
課讀爲府庠生

羅氏竇紹侃妻年十六于歸越兩年夫故遺孤方
週歲翁姑衰老鄰姆以改適試意輒厲色拒歉
歲自啖糟糠奉親不敢缺教子燕芳入府庠苦
節三十九年

丁氏趙惟哲妻年二十七而寡翁姑以年少無子
令改嫁氏泣訴願死守屋舍典賣無存寄居母
家以十指糊口間以所得遺翁姑後取姪爲嗣
苦節三十六年現年六十三歲

王氏馬之來妻夫亡時年二十五歲孝事翁姑撫
三子成立家酷貧從不受姻族贈遺人多其節
而能廉苦節四十七年現年七十二歲

陳氏生員趙雲驥妻年十七于歸二十七夫亡翁
姑在堂遺孤甫五齡家計蕭條事畜辛苦子瑛
成立翁姑養送無憾尤難者生父母嗣子早歿

富平縣志

卷之七 節烈

四十四

氏時時歸寧孝養如在室時人稱貞孝現年七
十一歲苦守四十四年

張氏王在位妾洛陽人年十六娶歸越四年夫故
無出姑諷使改適以刀斷指立志苦守

陳氏賈國翰妻二十五歲而寡子有玉甫數月撫
育成立得孫之善未幾子與媳相繼歿又撫孫
恩養兩世苦節六十餘年卒年八十二歲人稱
節壽並隆

惠氏王公庫妻夫亡時年二十三歲無子翁姑年
俱老取姪世法爲嗣娶同氏生子旋殤未幾

法亦歿復撫姪世棟爲嗣同氏夫歿時年二十歲與姑惠氏同勵貞操人稱一門雙節

李氏張文孝妻夫故時年二十一歲事祖翁姑及翁姑姪五人失怙恃並撫育成立取第五姪爲嗣授室後年二十而歿生遺腹孫氏又拮据撫育至十五歲亦歿煢煢霜操垂四十餘年

改氏邵壽浩妻夫亡時年二十五歲生遺腹子家貧無親族可依寄居母家藉女紅撫養二十餘年子成立始歸年七十三而終

李氏王作法妻武威人法客中娶之年二十四歲

富平縣志

卷之七

節烈

四十五

夫亡越四月遺腹子生旅邸央母兄携子扶櫬歸家計貧薄辛勤撫養成立

胡氏李浩妻夫故時年二十三歲嚙指誓守撫姪存智爲嗣紡績伴讀歲歉收糟糠自咽藏餅餌飼子人稱貞婦賢母

唐氏宋君芳妻年十六于歸芳一兄三弟俱先芳歿五弟遺一子繼祖甫彌月失恃明年芳亦歿氏時年二十一歲撫弱息泣曰宋氏五兄弟惟遺此一塊肉耳艱辛撫養成立育三孫守節四十餘年

蕭氏王爾睿妻年十九而寡衰姑在堂子蘭甫六月竭力事畜姑歿無親族可依兼歲饑同母弟家屬就食湖廣武安堰弟謀嫁氏覺卽負子而逃遇至親携歸仍紡績撫育邑進士王雍以畫荻芳躅匾其門

王氏張安民妻夫亡時年二十一歲子女俱無力勸翁元亨娶妾後連生三子姑及如姑相繼歿氏上奉衰翁下撫弱叔並成立人稱貞孝

孫氏李懋德妻年十五于歸一載後夫歿無子矢志守貞孀姑是依越六載值歸寧其父議改適

且云已受雷姓金旦夕此間遣嫁氏給言歸別姑歸語姑而姑弗能爲力也聚泣彌日伺便投井死尸出衣裳悉縫紉乾隆十九年八月間事紳士吊以賦輓以詩祭以青芹苦茗惜家惟孀姑事未聞值修志風聞之訪實採入焉

曹氏竇鸞輝妻年十七于歸時姑歿翁存祖姑在堂孝養無缺越六載夫故撫嫡堂孫維喬爲嗣前學憲吳表以志堅金石匾守節三十三年卒雷氏庠生田毓萼妻夫亡時年二十四歲翁姑逝子女俱無縊死柩前去夫歿僅七日前令趙公

以砥節殉夫表閭儒學李贈以節高斷臂匾
孫氏庠生陳汝爲妻年十九于歸孝事老翁翁病
劇割股和藥服之瘳不數年翁歿夫亦相繼死
苦節自矢撫養孤子玉輝成立入庠

張氏舉人何守鑰妻鑰以公車卒於山左柩驟歸
氏驚痛死而復蘇者三繼念已無出夫後不可
絕乃取姪爲嗣艱難撫育苦節四十餘年卒

劉氏張禮妻夫亡時年三十五歲翁姑早逝無子
典鬻破屋營葬甫歸自縊屋後送殯者尙在也

曹氏劉恭妻年二十四夫故矢志守貞撫孤元璋

富平縣志

卷之七

節烈

四十七

成立生二孫媳亡復撫孫顧復兩世苦節五十
餘年

王氏胡時君妻夫亡時年十八歲閉戶自縊以救
免及葬以身投墓者再人諭以親老乃止苦志
奉養十餘年旣復有以改適議者覺之斷髮汚
面氣憤結胷而死邑庠雷夢煥爲文勒諸墓

張氏王瑜妻年二十八而寡子三人俱早夭初瑜
病篤時氏卽有同穴之誓比歿殯葬甫畢目縊
以殉

閻氏周如昌妻年二十五歲而寡遺孤六歲翁姑

在堂氏辛苦事畜子亡又立嗣現年六十歲守節三十五年

朱氏竇金銳妻事舅姑孝撫三子士英士武士偉皆成立苦節三十三年現年六十五歲

姚氏田希述妻 王氏董蕙朴妻 陳氏孟修文

妻 馬氏張翕妻 景氏楊湛妻 柳氏劉澍

妻 邵氏馬鼎捷妻 韓氏王乃心妻 趙氏

謝王選妻 蔣氏紀 基妻 仇氏張起泰妻

彭氏張不詡妻 魏氏唐討妻 唐氏許元

積妻 魏氏許大元妻 王氏田育梁妻 同

富平縣志

卷之七 節烈

四十八

氏劉須漢妻 竇氏唐士維妻 周氏支元亮

妻 王氏孫自新繼室 田氏孫煊妻 劉氏

孫必羽妻 馬氏王應芝妻 石氏韓 蘭妻

史氏張博妻 李氏楊峻起妻 季氏李思

邕妻 紀氏仇世重妻 王氏趙高妻 劉氏

蓋仕妻 支氏張普濟妻 石氏魏沆妻 章

氏張友直妻 張氏趙之 妻 常氏紀鉞妻

寇氏王三吉妻 張氏王 妻 邵氏來

妻 王氏竇士龍妻 張氏鍾永固妻 姚氏

李春燮妻 趙氏劉成薰妻 楊氏李鍾泗妻

樊氏雷彥秀妻 朱氏周姬系妻 高氏王
定國妻 紀氏楊天培妻 章氏張世傑妻
王氏張乃星妻 李氏魏子毅妻 党氏李若
璣妻 蕭氏陳作哲妻 張氏閆必訥妻 楊
氏邵俊德妻 鍾氏馮文彪妻 彭氏孫大宗
妻 樊氏王瑚妻 王氏張星熾妻 張氏李
養儒妻 莊氏雷英妻 劉氏雷溢妻 王氏
雷綸妻 張氏李琬妻 魯氏常進倫妻 索
氏張芝懷妻 竇氏張信義妻 宋氏張諧妻
魏氏張皎居妻 曹氏劉珮妻 劉氏馮烈
妻 孟氏竇文斌妻 王氏忽庭殿妻 張氏
趙廷樞妻 李氏田棣妻 田氏楊闇章妻
張氏侯秉孝妻 王氏劉三龍妻 沈氏康生
祥妻 唐氏樊學顏妻 楊氏田鶴舉妻 楊
氏雷永祚妻 劉氏党昌貴妻 朱氏高衍灝
妻 王氏唐尙佐妻 崔氏雷資妻 曹氏王
珪妻 陳氏范廷召妻 周氏董文修妻 李
氏張元實妻 殷氏王天祥妻 孫氏楊毓漳
妻 何氏張建智妻 崔氏景枝振妻 高氏
紀學曾妻 竇氏田重智妻 馮氏劉元亮妻

楊氏任三讓妻 王氏田_忙妻 郝氏郭

妻 紀氏惠伯敏妻 鍾氏劉振堂妻 紀氏

鍾金聲妻 胡氏董楊純妻 蓋氏王東會妻

張氏王之昌妻 李氏張爾展妻 陳氏李

元勳妻 李氏趙益巡妻 袁氏武體昇妻

任氏崔琰妻 楊氏邵如蘭繼室 李氏王恩

淫妻 秦氏田秦裔妻 崔氏楊國泰妻 惠

氏党尙捷妻 胡氏王士旺妻 王氏雷惟和

妻 雒氏惠承言妻 楊氏韓冲齡妻 沈氏

李源妻 劉氏米鳳翼妻 唐氏華澄衷妻

富平縣志

卷之七 節烈

五十

劉氏趙士傑妻 曹氏楊宓妻 惠氏程爲綸

妻 郭氏陳燎繼室 成氏朱宗諒妻 陳氏

李有年妻以上俱苦節養親撫孤

賈氏尙熙鳳妻 王氏朱尙志妻 忽氏緜宿妻

緜氏劉芝瑛妻 翟氏王肇德妻 董氏袁

鳳舉妻 楊氏張雲客妻 蓋氏楊子有妻

王氏趙經邦妻以上俱苦節養親

支氏張連妻 王氏紀文建妻 武氏李斐妻

高氏唐普光妻 馮氏魏丕顯妻 王氏路立

躋妻 王氏紀潤澤妻 陳氏惠世濟妻 武

氏劉學孟妻 丁氏庠生劉爾霑妻 王氏生員李思綱妻 邵氏來妻 竇氏李之祐妻 龐氏鍾鳴音妻 温氏馬國梁妻 羅氏李蘊英妻 張氏秦惟周妻 强氏張閻章妻 趙氏喬光斗妻 劉氏李繼韜妻 俱氏韓文英妻 梁氏李孕麟妻 朱氏田懋妻 線氏劉棟妻 姚氏趙本妻 王氏明大仕妻 井氏張永良妻 邢氏張邦紀妻 孫氏楊爾臣妻 魏氏線爾思妻 王氏温明義妻 温氏劉枝信妻 段氏張祿榜妻 紀氏張建業妻

李氏徒丹惠妻 張氏趙孟秀妻 鄧氏紀公琮妻 路氏武生魏誥妻 白氏王毓英妻 王氏侯秉毅妻 賈氏朱廷奇妻 王氏李超俗妻 雷氏張元凱妻 李氏生員張岑年妻 任氏張文清妻 竇氏楊寧妻 郝氏紀本粟妻 孫氏趙邯妻 吳氏李自讓妻 劉氏王天保繼室 張氏王修義妻 劉氏王又容妻 蘇氏陳昌盛妻 莊氏趙順妾 何氏安廣秦妻 焦氏陳有朝妻 李氏陳之基妻 宋氏劉崑妻 王氏何瑋妻 王氏賈有壽

妻以上俱苦節撫孤

馮氏彭爾存妻撫姪 焦氏任春會妻撫姪 劉

氏卞學禮妻撫姪 李氏張朋參妻 紀氏馮

景翼妻 唐氏趙希壯妻 李氏雷豫立妻

周氏房 妻 羅氏石天眷妻 王氏支永芳

妻 劉氏張捷妻 里氏李實芳妻 朱氏廩

生趙恒妾以上俱苦節無子

唐氏魏日讓妻 胡氏魏莊妻 關氏魏夢熊妻

以上俱誠孝事親

白氏程繼文妻 王氏田佩妻 師氏楊冲庚妻

富平縣志

卷之七 節烈

五十二

吳氏李之海妻 胡氏張廷佐妻 郭氏石

大玉妻 趙氏吳嗣姬妻 王氏安定都妻

趙氏王樹極妻 古氏生員陳情妻 程氏支

得祿妻以上俱割股療親其以義母稱者

張起運妻袁氏明末流寇一斗穀破村攜姪暨子

逃狼狽竭蹶度不能兩全念姪已喪母乃棄子

存姪而氏夫婦終無子所存姪子孫奉祀弗絕

迄今奕葉繁衍科第有人魯義姑鄧伯道風高

千古亦報隆百世矣以賢孝稱者

楊馮妻馮氏在室時失愛於繼母委曲承順母愛

之轉厚所生年二十歸馮家故貧馮又以白土營掾累歲從軍氏紡績奉翁姑無懈亡何翁歿竭力棺斂姑復病辛勤醫藥姑卒殞氏懷抱中訃夫歸葬後移居白土二子國杰國梁生夫旋逝教養成立年七十七卒

畢大中丞以職順可風榜其庭

李秉常妻郭氏常遠遊莊浪氏孝事老翁翁病痢醫藥浣滌迄無懈邑鴻詞田呂叶作賢孝傳觀察郭公朝祚表其閭曰賢孝可風

郭丕烈妻張氏年十七于歸未及一載夫出外無

富平縣志

卷之七

節烈

五十二

音病姑在堂以憂子多顛語嘗言思肉食貧不可得氏不令姑知割股肉以進食之愈後以壽終氏艱辛三十餘年

孫炎妻楊氏年十七于歸甫三載炎以行醫往江南無音家極貧氏奉翁姑養生送死現年七旬有餘以賢淑稱者

馮文世妻石氏隨任松陽勤慎相夫夫以老歸旋歿三子俱幼氏紡績課讀列膠庠者二人以節義稱者

紀協友妻段氏初氏父已許氏紀門父歿叔以紀

貧欲另議婚氏覺之自詣夫家甘心貧苦孝事
翁姑戚里以義能從一匾表之以才媛稱者
趙崧妻田氏邑外翰田而穉女讀書工詩文女紅
外不廢吟咏有稿藏于家而
喬士宏妻竇氏養親撫子懿德著聞卒年一百零
二歲與百歲婦白氏並以貞壽稱
按閩內之行風化攸關攷古節烈史列女傳所
載或奉老撫孤茹荼自苦或捐軀完節視死如
歸其所處之境不同而能識大義全大倫則一
也顧已蒙

富平縣志

卷之七

節烈

五十四

旌表者建坊崇祀足慰幽貞其未經題請者闡揚有
待志節堪嘉茲當編輯邑乘復悉意搜訪無論
己未請

旌備收錄焉要使芳型不沒彤管流輝不妨備錄以
示觀感豈曰嚴以繩士夫而寬於論婦輩哉

僑寓

唐

魏徵字元成曲城人少有大志高祖時官洗馬輔
隱太子太子敗秦王責之徵曰太子早從徵言
無今日禍王器之此卽位拜諫議大夫徵感知

遇封事先後二百餘上皆剴切當帝心三年與朝政七年封鄭公卒之日帝哭臨輟朝五日贈司空諡曰文貞今縣北有徵廟碑載其世系甚詳廟左鵝鴨池底堅如石南一里祖墓在焉

令狐彰字伯陽父凜范陽尉自燉煌遷富平彰倜儻有胆氣涉獵書傳知大義初事安祿山史思明僞署滑州刺史感激忠義思立名節募勇士善水者表請歸順肅宗大悅賜書慰勞乃自滑臺移鎮杏園率死士數百人潰圍入朝下詔褒美賜甲第帷帳什器甚盛拜博滑節度使河朔

富平縣志

卷之七

僑寓

五十五

平加御史大夫封霍國公時吐蕃內犯詔彰防之所過秋毫不犯病亟勒子歸東都私第悉上軍府兵仗財用簿仍薦劉晏李勉可當大事代宗詔褒其閭贈太傅長子建管右武軍事遷右領軍大將軍次子通以李吉甫薦拜贊善大夫徙秦州團練使終右衛大將軍三子運東都畱守將父子兄弟皆以才名

李光弼柳城人剛毅深沉負雄畧善騎射用兵謀而後戰能以少覆衆治師嚴整天下服其威名軍中指顧諸將不敢仰視與郭子儀齊名世稱

郭李卒贈工部尚書諡武穆今墓碑在富平西
北原上顏真卿書蓋其遷寓地云

李光進字大應光弼弟初爲房瑄裨將代宗初拜
檢校太子太保封涼國公吐蕃入寇至便橋郭
子儀爲副元帥光進及郭英義佐之又掌禁兵
後出爲渭北邠寧節度使

賈島字閻仙范陽人初爲浮屠名無本遊東都洛
陽令禁僧午后出因作詩自傷韓愈見而憐之
教爲進士業遂苦志吟哦以詩名世後坐飛語
貶長江主簿久之以普州司倉參軍遷司戶未

富平縣志

卷之七

僑寓

五十六

受命卒歸葬賈村塚碑今存蓋寄寓地

金

李興曲阜人遷到賢里居焉初以異材累官大將
軍耀州刺史屢立戰功賜玉兔鶻帶金器已又
加輔國上將軍渭北總帥元兵入關三輔大震
特命行省陝西興遂據天活堡百姓依之全活
甚衆卒葬永閏鄉子魯孫耀州刺史
烏古論速可爲鎮耀將軍元兵入棄官隱富之北
山遂家焉今流曲李氏其裔也里東有速可墓
人稱元帥墳目其子孫曰金碑李家

胡致中初籍汾州官陝西右布政使有治績既
棄官家於富居廓廂里

本朝

蘭泗耀州人寓富平由將材授湖廣興國叅將康熙十二年陞直隸三屯營副將未蒞任因吳逆犯長沙調駐武昌十三年進剿岳州又檄討黃金龍戰於大冶之換繩橋殲賊殆盡獲馬騾器械無算軍威大震十四年還鎮武昌兼攝通協事十八年特擢荆左路總兵時逆黨未靖泗旌

富平縣志

卷之七

僑寓

五十七

麾所指屢建奇功克思南復龍泉遵義綏陽桐梓等處一時蕩平改鎮安籠地界滇粵巨寇窟穴其中最稱險要泗安內撫外四境帖然在鎮十有六年

予告歸在官數蒙

諭前後

賜書籍緞紬蟒掛盔甲鞍馬等物夫人唐氏幼以孝聞歸蘭相夫教子俱有法三旬稱未亡人以霜節見稱

馮天爵紹興人寓由家堡高士馮亮子貧不能娶

傭身供親色養無間遠近人咸敬之稱馮孝子
張占鰲洛川人子超卜居富邑東屏堡遂爲富人
康熙中任荊州府通判時西山寇發占鰲嚴保
甲飭門禁巡邊疆練鄉兵四境無虞大兵駐荆
軍需支應悉中條理督催江陵等五邑漕米清
弊平收不累民旣而大兵進剿奉委運餉七連
坪寇至不避勒降不屈遂遇害事聞
賜葬祭贈按察使司僉事廕一子

李顥字中孚盩厔人以理學名學者稱二曲先生
康熙十四年以避兵氛流寓富平閉關養疴不

富平縣志

卷之七

僑寓

五十八

與世通惟三五舊遊時叩起居有問必答語皆
洞源邑人惠霽嗣爲顥高足輯富平問答載二
曲集又邑令郭公傳芳築室幽阿迎顥居之咨
聆訓誨五載西歸

張超字孟遷號特生占鰲子由難廕授宜陽令蒞
任五載勤講

聖諭表揚節孝嚴禁私派開導水利大著循聲至修
文廟立義學施粥賑饑率捐俸爲之他若祝蝗
蝗絕禱雨雨降民尤咤爲異政陞西隆知州因
地敷政多所興革遐壤殊俗熙然丕變未幾卒

於官州民哀號如喪所生櫬歸過宜陽宜陽民
罷市哭送如去任時又就舊所立祠哭奠之旋
請從祀名宦子崇禮己卯膺鄉薦宜民於祠前
揭二旗書長發其祥以志良吏之報

蘭孫盛字衍宗州同職安籠總鎮泗次子事父母
能孝謹飭篤學兩膺鄉飲大賓前令喬贈詩有
一門高月旦多士仰丰儀之句著香祖樓詩稿
藏於家子坦耀州拔貢生

張正德字信伯四川夔州府奉節縣人由行伍從
征瞻對積軍功累官富平營都司署延安叅將

富平縣志

卷之七

僑寓

五十九

歿於官子廣宗以遺命奉母氏汪家富平籍温
泉里

王天秀耆民其先三原人事孀母孝友愛弟姪周
恤鄉族至念己幼時因貧失學家稍裕乃於原
籍捐置學田尤近今之不多有者

仙釋

唐

田真人碑失名田村人世傳修煉美原縣東郭曉
服食變化術邑人曹玉珂終華仙蹟志載田常
在事甚幻或云卽其人

徐七失名幼好道棄家遍訪名山歸而習靜華之
青柯坪一日見異人登山徐敬禮之問徐家何
所對以富平因白云訪道未遇其人笑曰道在
汝鄉何遠求徐駭問復曰西女學洞有養生經
一卷斯道也徐頷之旋歸人洞見積書滿几
首一冊卽養生經一石人憑几如觀書狀諦視
卽向所遇人徐驚拜取經出寫畢還送洞中依
經鍊習年逾耄耄仍遊名山不知所終

金

白德明字顯達美原人母党氏夢白鳳棲庭而生

富平縣志

卷之七

仙釋

六十

幼穎悟善屬文父獻進士爲縣令德明見其鞅
掌拘攣狀力諫去官自亦絕意婚宦棄家爲道
士居三原龍陽宮復厭喧囂遁跡華山元世祖
召入奏對稱旨賜號天光真人

元

志達碑失名元初見女人化蟒遂發願學長生術
後過正陽授秘訣棄家學之居抱一觀年百餘
歲顏如童子

明

邱元清邑人少慕仙棄家訪道至武當師一道流

虐使之迄無忿恚從遊諸名山最後抵終南至
山巔有敗屋三楹師曰此吾初學道處命拾薪
煮簷下白石食之謂元清曰汝畱此吾暫過山
下訪故人遂去不復返林冥風淒虎蛇交跡饑
欲煮石苦無薪自分必死僵臥室中見牆頭殘
書數卷委積塵中取視則皆要道因雜誦數日
豁然有悟而師適至笑曰汝見吾書乎可言其
義元清因敷陳請質師大喜再爲開示遂了真
訣乃引至一處貝 珠樓迥出塵界謁諸道侶
始知其師爲張仙三丰旋命却歸武當文皇時
求三丰不得召元清奏對契宸衷拜御史遷太
常少卿賜以宮女固辭不受未幾棄官入終南
不知所終

趙老無名字或云宋宗室初隱終南悟徹禪宗天
順間選地富平居明月山峪二虎依之以藥濟
人得者立愈有相邀者騎虎往常有偈曰明月
清風好坐禪休將意馬走山川此生不修空歸
去再遇人身幾萬年示寂後肉身尚存在石室
中人遂呼其峪爲趙老峪邑人李翰檢因篤云
趙與孫真人同居一庵

馬官兒無名氏不言其籍語則操泰音萬歷初寓
邑南郭喜與乞丐小兒相嬉遊人呼官兒小而
賤之也諸生曹數飯之復館之別墅嘗語曹以
黃白術曹不納又自言已百餘歲亦不之信一
日曹母眉際生疔勢甚危羣醫束手視馬笑曰
易耳出葫蘆中藥三厘敷之立愈無何曹門人
張某家僮詣曹假一僕同治喪具云其主疔生
於眉當來時已屬纊矣曹俾以騎迎馬往比至
奄奄氣欲盡馬入視遽曰可速作粥侯病者食
又不卽敷藥顧左右具茶從容飲畢始出藥如

前許敷之未移時病者忽起呼曰饑甚亟奉粥
盡數器疾脫然如失去因出百金爲壽卽持去
呼貧者給之立盡久之辭曹去叩所適曰予自
終南來還自終南去向曹作禮曰公旣不屑黃
白術復不祈久視請以一方贈公蓋卽前所用
以治瘡者去時畱偈於壁曰回光返照清修之
要妄念能斷神氣不散氣海朝暎長生之門南
山幽幽期君來遊

程化樂都村人自云化樂真人謫人世故以爲名
應童子試久不售遂棄去習靜華山華渭人士

奉之如圖南著作甚富言未來事多奇驗歿幾年有於蜀中遇之者傳言謝故人蓋尸解也
劉仙隱石疊山洞門題碧雲島洞前石砌山田數畝相傳仙人種藥處詩云青山不管人憔悴綠水何曾洗是非人來問我紅塵事擺手搖頭總不知

本朝

程雲漢宋釋之師幼好睡或數日不醒經書未授讀輒能暗誦詩文下筆立就著三元經數千言雲遊方外屢現靈異門人寧遠令宋萬勝有傳

富平縣志

卷之七

仙釋

六十二

